

臨證指南醫案

臨證指南 重刊目

卷四

積聚

痞

噎膈

噤口

嘔吐

吐衄

不食

腸痺

便閉

肺痺

胸痺

哮

喘

呃

疸

臨證指南醫案卷四

許關李大瞻翰嗣

告炎紫 桂天士先生著 錫山鄒錦嘯滋九全敷

華 旦玉堂

積聚

木犯土  
虛中夾  
陽

葛

嗔怒強食肝木犯土腹痛突如有形緩則泯然無跡

氣下鳴響皆木火餘威乃癰疽之屬攻伐消導必變腹  
滿以虛中挾滯最難速功近日痛瀉恐延秋痢

丁香

厚朴

茯苓

炒白芍

廣皮

煨益智仁

又下午倦甚。暮夜痛發。陽微陰濁。乃踞用溫通陽明法。

人參

吳茱

半夏

姜汁

茯苓

炒白芍

又照前方去白芍加川棟牡蠣

脾胃虛  
氣分結  
瘀

白十瘧邪久留結聚血分成形。仲景有緩攻通絡方法可

宗。但瘧母必在脇下。以少陽厥陰表裡爲病。今脉弦大。

面赤黃滯。腹大青筋皆露。頭脉震動。純是脾胃受傷。積

聚內起。氣分受病。痞滿勢成。與瘧母邪結血分。又屬兩

途。經年病久。正氣已怯。觀東垣五積。必疎補兩施。蓋緩

攻爲宜。

生於木

雞肫皮

川連

厚朴

新會皮

姜渣

水法丸

氣滯濕熱  
熱腑聚

馬二

病後食物失和腸中變化傳導失職。氣滯釀濕鬱而  
成熱。六腑滯濁爲之聚。昔潔古東垣輩。於腸胃宿病。每  
取九劑緩攻。當倣之。

川連

蘆薈

新葉上炙

雞肫皮

不落木去垢  
新瓦上炙脆

煨木香

小青皮

萊菔子

南山楂

紫厚朴

蒸餅爲小丸

陳十

濕勝脾胃。食物不化。向有聚積。腸腑不通。熱氣固鬱。

當進和中忌口勿勞不致變病

黃芩 枳實 廣皮 萊菔子 白芍

白朮 蒼朮 雞肫皮 水泛丸

痰凝脉絡

吳一右脇有形高突按之無痛此屬癰痞非若氣聚凝痰難以推求然病久僅阻在脉須佐針刺宣通正在伏天宜商

真蛤粉 白芥子 瓜蒌皮 黑梔皮

半夏 鬱金 橘紅 姜皮

血絡凝痺

曹着而不移是爲陰邪聚絡診脉弦緩難以五積肥氣攻治大旨以辛溫入血絡治之

當歸鬚

延胡

官桂

楮核

韭白

王<sup>三</sup>騎射馳驟寒暑勞形皆令陽氣受傷三年來右胸脇形高微突初病脹痛無形久則形堅似梗是初爲氣結在經久則血傷人絡蓋經絡系於臟腑外廓猶堪勉強支撐但氣鈍血滯日漸痰痺而延癥瘕怒勞努力氣血交亂病必旋發故寒溫消剋理氣逐血總之未能講究絡病工夫考仲景於勞傷血痺諸法其通絡方法每取重蹻迅速飛走諸靈俾飛者升走者降血無凝着氣可宣通步致積除堅徒入臟腑者有間錄法備參末議

璣瑯石

廢虫

當歸鬚

桃仁

川鬱金



伏梁

川芎

生香附

煨木香

生牡蠣

夏枯草

用大酒麴末二兩加水稀糊丸無灰酒送三錢

某

伏梁病在絡。日後當血凝之慮。脉數左大。是其徵也。

厚朴

一錢

青皮

八分

當歸

一錢

鬱金

一錢

益母草

三錢

茯苓

一錢

澤瀉

一錢

某

脉數堅。伏梁病在絡。宜氣血分消。

桃仁

三錢

鬱金

一錢

羌蔚子

一錢

枳實

七分

厚朴

一錢

茯苓

三錢

通草

五分

自難經分出積者陰氣也。五臟所生。聚者陽氣也。六

腑所成。後巢氏病源。另立癥瘕之名。以不動者爲癥。

動者爲癥。究之亦卽難經積聚之意也。前賢有云。積聚者。就其有膜結聚之處。以經脈所過部分。屬臟者爲陰。陰主靜。靜則堅而不移。屬腑者爲陽。陽主動。動則移而不定。故是案中又從而悟出云。着而不移。是爲陰邪。聚絡。大旨以辛溫入血。終治之。蓋陰主靜。不移卽主靜之根。所以爲陰也。可容不移之陰邪者。自必無陽動之氣。以旋運之。而必有陰靜之血。以倚伏之。所以必藉體陰用陽之品。方能入陰出陽。以施其辛散溫通之力也。又云。初爲氣結在經。久則血傷入絡。輒仗孺動之物。鬆透病根。是又先生化裁之妙。於

古人書引伸觸類而得。若夫蒼朮之去熱滯。芥礬之豁疑痰。不過爲先生用古處也。案中積症。第見伏梁。不能盡備。然宋時諸賢。於五積九積治法。載在書籍者。頗多大畧。消補兼施。并以所惡者攻。所喜者誘。爾業醫者。自當知之稔也。姚亦陶

# 痞

痰熱內  
閉

宋

前議辛潤下氣以治肺痹。謂上焦不行。則下脘不通。古稱痞悶。都屬氣分之鬱也。兩番大便秘。胸次稍舒。而未爲全爽。此豈有形之滯。乃氣鬱必熱。陳腐粘凝膠聚。故脘腹熱氣下注。隱然微痛。法當用仲景梔子豉湯解其陳腐鬱熱。暮卧另進白金丸一錢。蓋熱必生痰。氣阻痰滯。一湯一丸。以有形無形之各異也。

黑山梔

香豉

鬱金

杏仁

桃仁

瓜蒌皮

降香

另付白金丸五錢

孫 寒熱由四末以擾胃。非藥從口入以擾胃。和熱津液互膠成痰。氣不展舒。阻痺腕中。治法不但攻病。前議停藥。欲謬藥氣盡。病自退避三舍耳。

人參

川連

鹽水炒

枳實

半夏

鬱金

石菖蒲

熱邪親結

某

脈不清。神煩倦。中痞惡心。乃熱邪裡結。進瀉心法。

炒半夏

黃芩

黃連

乾姜

枳實

杏仁

劉

熱氣痞結。非因食滯。胃汁消燥。舌乾便難。苦辛開氣。

酸苦泄熱。是治法矣。

川連

生姜

人參

枳實

橘紅

烏梅

生白芍

氣鬱化熱

顧氣閉久則氣結不飢不食不大便

川貝母

白蔻仁

鬱金

杏仁

金銀花

萊豆殼

又氣結必化熱乃無形之病故徒補無益

鮮省頭草

川斛

甜杏仁

川貝母

麻仁

何七煩勞之人衛氣少固霧露雨濕傷其流行清肅瘡癰

外調腕脇反痺乃經脈爲病無關腑臟

鈎藤

生白蒺

鬱金

白蔻仁

桑葉

橘紅

又氣室熱鬱仍治上可以通痹

杏仁

鬱金

香附

瓜蒌皮

黑山梔

蘇梗

熱邪入厥陰

周寒熱嘔吐就重自利是暑濕熱外因因熈怒動肝邪氣入於厥陰胸滿腹脹消渴議以開痞方法

瀉心湯去參甘加枳實白芍

伊因驚而得邪遂入肝故厥後熱神識昏狂視得面青舌白微嘔渴飲胸次按之而痛此屬痞結乃在裏之症宗仲景以瀉心湯爲法

暑濕伏  
邪夾食

川連

半夏

乾姜

黃芩

人參

枳實

尤

面垢油亮。目背黃。頭脹如束。胸脘痞悶。此暑濕熱氣  
內伏。因勞倦。正氣泄越而發。既非暴受風寒。發散取汗。  
徒傷陽氣。按脉形濡滿。是表症。凡傷寒必究六經。伏  
氣須明三焦。論症參脉。壯年已非有餘之質。當以勞倦  
傷伏。和例診治。

滑石

黃芩

厚朴

醋炒半夏

杏仁

薤仁

竹葉

又胸痞自利狀如結胸。夫食滯在胃。而胸中清氣悉爲



濕濁阻遏與食滯兩途此清解三焦却邪湯藥兼進保

和丸消導

淡黃芩

川連

淡乾姜

厚朴

醋炒半夏

鬱金

白蔻仁

滑石

送保和丸三錢

暑邪阻氣

談氏

胸痞不饑熱不止舌白而渴此暑邪未盡仍清氣分

鮮竹茹

淡黃芩

知母

橘紅

鹽水炒

滑石

桔梗

枳殼汁

鬱金汁

某

四

惡寒泄瀉悉減胸脘仍悶餘暑未盡胃氣未甦故耳

大麥仁

錢四

佩蘭葉

錢

新會皮

錢

半夏

錢一

金斛

錢一

茯苓

錢三

濕熱

劉 濕熱非苦辛寒不解。雖豐陽氣不足。論體攻病爲是。

胸中痞悶不食。議治在胃。

川連

炒半夏

人參

枳實

姜汁

茯苓

橘紅

分濕阻氣

耶

脈濡而緩。不饑不食。時令之濕。與水穀相併。氣阻不

行。欲作痞結。但體質陽微。開泄宜輕。

炒半夏

茯苓

杏仁

鬱金

橘紅

白蔻仁

某三

舌白腕痛。嘔惡腹鳴。此濕阻氣分。胃痺成痛。是不通

之象。

中陽不  
運

炒半夏

錢三

高良姜

錢一

廣藿香

錢一

橘紅

錢一

烏藥

錢一

香附

錢半

沈

二精氣內損是皆臟病

地甘酸未爲背謬

緣清陽先

傷於上

柔陰之藥反礙陽氣之旋運

食菽中痞顯然明

白

病人食姜稍舒者得辛以助陽之用也至於黃芪麥冬棗仁更蒙上焦斯爲背謬極議辛甘理陽可效

桂枝湯去芍加茯苓

注

脉沉中脘不寒肢冷

人參

七分

淡乾姜

錢一

炒半夏

錢半

川熟附

分七

茯苓

錢三

草果仁

分八

朱<sup>雄</sup> 目垂氣短脘痞不食太陰脾陽不運氣滯痰阻擬用

大半夏湯

人參

炒半夏

茯苓

伽楠香汁

又 脉微有歇無神倦欲寐服大半夏湯脘痛不安不耐  
辛通營衛大虛春節在邇恐防衰脫

人參

炒麥冬

北五味

某 舌白脘悶中焦陽氣不宣

半夏

草果

厚朴

廣皮

茯苓

藿香梗

張<sup>五</sup> 胃寒湧涎中痞

胃寒

臨證指南 卷之四 痞

完

泡淡吳萸 乾姜 茯苓 半夏

橘紅 川棟子

胸次清  
陽不運

平 酒客脾胃陽微。下午陰氣漸漫。腕中微痛。不饑。服苦

降重。降辛燥。愈加不適者。清陽再受傷。觸也。宗仲景聖  
訓。以轉旋胸次之陽爲法。蒼桂朮甘湯

胸氣不  
降。腕腕  
無阻

某 氣阻腕痹。飲下作痛。當開上焦。

枇杷葉 大杏仁 蘇子 降香汁

白蔻仁 橘紅

張 脈滿腕痞。不饑。日乾有痰。當清理上焦。

枇杷葉 杏仁 山梔 香豆豉

鬱金

瓜蒌皮

加姜汁炒竹茹

陳

三

食進頗逸而胸中未覺清曠宜辛潤以理氣分勿以

燥藥傷陰

枇杷葉

大杏仁

榴紅

黑山梔

香豉

鬱金

瓜蒌皮

晨服五劑後接服桑蔴丸

楊

癰母用針是泄肝胆結邪瘦人瘧熱傷陰夢遺五心

煩熱亦近理有諸繼患脫腦痞悶不饑食減大便不爽

乃氣滯於上與前病兩岐焉得用滋陰凝滯之藥思必

病後飲食無忌中焦清濁不和所致

杏仁

土括蒌

桔梗

半夏

黑山梔

枳實

香附汁

俞女

腕痺身熱當開氣分

杏仁

瓜蒌皮

枇杷葉

廣皮

枳殼汁

桔梗

寒熱客邪互結

王四

勞傷胃痛。明是陽傷。錯認筋風。釣藥敷貼。更服丸藥。

心下堅實。按之痛。舌白煩渴。二便澹少。喘急不得進食。從病結論治。

生姜汁

生淡乾姜

泡淡黃芩

枳實

姜汁炒川連

半夏

案中六淫外侵。用仲景瀉心湯。脾胃內傷。用仲景苓

姜桂甘法。卽遵古賢治痞之以苦爲泄。辛甘爲散二  
法。其於邪傷津液者。用苦辛開泄。而必資酸味以助  
之。於上焦不舒者。既有枳桔杏萸開降。而又用梔豉  
除熱化腐。踈暢清陽之氣。是又從古人有形至無形  
論內化出妙用。若所用保和化食白金驅痰附姜煖  
中。參苓養胃生脉斂液。總在臨症視其陰陽虛實靈  
機應變耳。姚亦明



# 噎膈反胃

陽結於上  
陰衰於下  
格

吳 脉小瀹腕中隱痛嘔惡吞酸舌絳不多飲此高年陽氣結於上陰液衰於下爲關格之漸當開痞通陽議治。

川連

人參

姜汁

半夏

枳實汁

竹瀝

盧 陰陽逆亂已成關格議用附子瀉心湯爲上熱下寒主治

徐七八老人食入涎湧吐痰畧能嚥粥二便艱少是陽不轉旋上結陰枯於下便難極難調治勿用腥油羶味脉弦

大而搏議妙香丸

又妙香丸仍服每五日服大半夏湯

毛老年形消不食不便氣衝湧涎乃關格之症議用進退黃連湯

川連

淡乾姜

半夏

姜汁

人參

茯苓

附子

生白芍

漢十七旬有年納食脘脹大便乾澀並不渴飲痰氣凝遏阻陽久延關格最怕

川連

枇杷葉

半夏

姜汁

杏仁

枳殼

杜六老人積勞久虛。因渴飲冷。再傷胃陽。洞泄復加嘔吐。不受湯飲食物。上不得入。下不得出。此爲關格難治。

人參

半夏

川連

淡乾姜

某清陽日結。腹窄不能納穀。陰液漸涸。腸失潤。大便難。

桂枝

川連

半夏

姜汁

杏仁

茯苓

畢五夏間診視。曾說難愈之病。然此病乃積勞傷陽。年歲未老。精神已竭。古稱噎膈反胃。都因陰枯而陽結也。秋分後復診。兩脉生氣日索。交早咽燥。晝日溺少。五液告涸。難任剛燥陽藥。是病諒非醫藥能愈。

大半夏湯加黃連姜汁

某脉寸口搏大按之則滿形瘦氣逆上不納食下不通  
便老年積勞內傷陽結不行致腕閉陰枯腑乏津營必  
二便交阻病名關格爲難治

人參

枳實

川連

生乾姜

半夏

茯苓

肝陰胃  
汁枯

蘇五向來翻胃原可撐持秋季驟加驚憂厥陽陡升莫制

遂廢食不便消渴不已如心熱嘔吐涎沫五味中喜食

酸甘肝陰胃汁枯槁殆盡難任燥藥通關胃屬陽土宜

涼宜潤肝爲剛臟宜柔則和酸甘兩濟其陰

烏梅肉

人參

鮮生地

阿膠

麥冬汁

生白芍

某陽明汁乾成膈

梨汁

柿霜

玉竹

天冬

麥冬

甜杏仁 川貝

生白芍

三角胡麻

煩勞  
元陽  
津液枯

王五

老年血氣漸衰。必得數日大便通爽。然後脘中納食無阻。此胃汁漸枯。已少胃氣下行之音。噎症萌矣。病乃操持太過。身中三陽燔燥。燥津所致。故藥餌未能全功。議用丹溪法。

麥冬汁

鮮生地汁

栢子仁汁

甜杏仁汁

黑芝麻汁 杜蘇子汁 松子仁漿

水浸布紙絞汁濾清燉自然膏

馬六勞心勞力經營向老自衰平日服餌桂附生薑三十年病食噎不下腸吐出此在上焦之氣不化津液不注於下初病大便秘澀按經云味過辛熱肝陽有餘肺津胃液皆奪爲上燥倣嘉言清燥法

麥冬 麻仁 鮮生地 甜水梨

桑葉 石膏 生甘草

液虧氣滯

某 脉濡左大食入爲嘔是屬液虧先宜理氣後用潤劑

半夏 雲茯苓 枇杷葉 枳實 竹瀝

肺胃氣  
不降

程 舌黃微渴痰多咳逆食下欲噎病在肺胃高年姑以

輕劑清降

鮮枇杷葉

杏仁

鬱金

瓜蒌皮

山梔

淡香豉

肝鬱氣  
逆

沈 格拒食物涎沫逆氣自左上升此老年悒鬱所致必

使腑通濁泄僅可延年議兩通陽明厥陰之法

半夏

苦杏仁

茯苓

橘紅

竹瀝

姜汁

酒熱鬱  
傷脾胃

俞 酒熱鬱傷腕中食阻而痛治以苦辛寒

小川連

半夏

香豉

枳實

臨證指南醫案

卷四

噎膈反胃

五

茯苓

姜汁

又

苦辛化燥噎阻不舒而大便不爽治手太陰

解枇杷葉

紫苑

蘇子

杏仁

桃仁

鬱金

受病痰阻

某

憂思鬱結痰癥阻礙已屬噎塞之象當怡情善調

炒半夏

一錢半

茯苓

五錢

秫米

三錢

枳實

一錢炒

姜汁

三小匙沖

楊

四七

脈弦而小澹食人腕痛格拒必吐清涎然後再納視

色蒼眼筋紅黃昔肥今瘦云是鬱怒之傷少火皆變壯

火氣滯痰聚日擁清陽莫展腕管窄隘不能食物噎膈



漸至矣。法當苦以降之。辛以通之。佐以利痰清膈。莫以豆蔻沉香劫津可也。

川黃連

杏仁

桔梗

土瓜糞皮

半夏

橘紅

竹瀝

姜汁

朱<sub>五</sub>未老形衰。納穀最少。久有心下忽痛。暑進湯飲不安。近來常吐清水。是胃陽日薄。噎膈須防。議用大半夏湯。補腑爲宜。

人參

半夏

茯苓

白香粳米

姜汁

河水煎

白<sub>五</sub>少食。頗安。過飽。食不肯下。間有冷厥。涎沫湧吐而出。

此有年胃陽久餒最多噎膈翻胃之慮飲以熱酒腕中  
似乎快爽顯然陽微欲結所幸二便仍通濁尚下泄猶  
可安

熟半夏

姜水炒

茯苓

二兩

生益智仁

一兩

丁香皮

五錢

新會皮

一兩

淡乾姜

一兩

右藥淨末分量用香淡豆豉

一兩洗淨煎汁法九淡姜湯服三錢

呂六勞倦饑飽皆傷胃陽年及花甲最慮噎膈翻胃此麤  
飯酒肉重濁之物與病不合

半夏

姜汁

香豉

土瓜蒞皮

杏仁

橘紅

馮<sup>六</sup>有年陽微酒濕厚味釀痰阻氣遂令胃失下行爲順之旨脘窄不能納物二便如昔病在上中議以苦降辛通佐以養胃用大半夏湯

半夏

人參

茯苓

姜汁

川連

枳實

又胃屬腑陽以通爲補見症脘中窒塞納食不易過膈膚淺見識以白苳蔻木香沉香麝冀獲速功不知老人日衰愈投泄氣斯冲和再無復振之理故雲岐子九法後賢立辨其非夏季宜用外臺茯苓飲加苳蒲佐以竹瀝姜汁辛滑可矣

顧四脉濡緩無力。中年胸脇時痛。繼以早食晚吐。此屬反

胃。乃胃中無陽。溺陰腐壅。議倣仲景陽明辛熱宣通例。

吳萸 半夏 草撥 淡乾姜 茯苓

又辛熱開濁吐。減行走勞力。卽吐痰水食物。陽氣傷也。  
用吳萸理中湯。

尤脉緩右關弦。知饑惡食。食入卽吐。肢浮便溇。溺少不  
渴飲。此胃陽衰微。開合之機已廢。老年噎格反胃。乃大  
症也。

人參 茯苓 淡附子 淡乾姜

炒粳米 姜汁

又通胃陽法服。胸病原無所補。祇以老年積勞傷陽之質所服之劑。開肺卽是泄氣。苓連苦寒劫陽。姜汁與乾姜附子並用。三焦之陽皆通耳。若枳朴仍是泄氣。與前義悖矣。

人參

茯苓

淡附子

淡乾姜

劉五脉左小弦。右濡澹。五旬又四陰陽日衰。勞煩奔走。陽愈傷。致清氣欲絕。食入腕痛。痰涎湧逆。皆噎膈反胃見症。其飲酒愈甚。由正氣先餒。非酒能致病。

川連

枳實汁

茯苓

半夏

廣皮白

黑山梔

姜汁

竹瀝

陽虛陰  
濁凝滯

包六胃脘痞悶。噎逆。三四日必嘔吐粘膩。或黃綠水液。此  
屬反胃。六旬有年。是亦重病。

川連

半夏

枳實

鬱金

竹茹

姜汁

陸 脉沉微。陽氣大傷。陰濁偕踞。旦食不能暮食。周身掣  
痛。背脹。病狀著難愈之症。

人參

附子

乾姜

茯苓

澤瀉

姚二 腑陽不通降濁。壅爲反胃。累遭病反。老年難以恢復。  
自能潛心安養。望其悠久而已。藥不能愈。是病矣。

人參

附子

乾姜

公丁香

姜汁和丸

陽衰脫  
血脈

某

積勞有年陽氣漸衰濁凝痰阻腕中常痛怕成噎膈  
便塞之症

桃仁

紅花

延胡

川棟子

半夏

橘紅

鬱金汁

瓜蒌皮

李

兩關脈緩滑食入氣阻吐涎稍通前已吐過痰濁膠

粘此皆久積勞倦陽氣不主旋運爲噎膈反胃之症此  
病最多反覆必須身心安逸方可却病徒藥無益耳

半夏

姜汁

桃仁

韭白汁

香豉

瓜蒌皮

鬱金

某

胃痛得瘀血去而減兩三年宿病復起食進痞悶怕

其清陽結而成膈。大意益氣佐通。仍兼血絡爲治。

人參

半夏

茯苓

新會皮

木香

生益智

當歸

桃仁

水法丸服三錢

張三

早食暮吐。大便不爽。病在中下。初因勞傷胃痛。痰厥。

有形之阻。

半夏

枳實

製大黃

桃仁

韭白汁

經云三陽結謂之膈。又云一陽發病。其傳爲膈。仲景云。朝食暮吐。暮食朝吐。宿穀不化。名曰胃反。丹溪謂噎膈反胃名雖不同。病出一體。多因氣血兩虛而成。然歷觀噎膈反胃之因。實有不同。大抵飲食之際。氣



忽阻塞。飲食原可下咽。如有物梗塞之狀者。名曰噎。  
心下格拒。饑不能食。或食到喉間不能下咽者。名曰  
膈。食下良久復出。或隔宿吐出者。名曰反胃。夫噎膈  
一症。多因喜怒悲憂恐五志過極。或縱情嗜欲。或恣  
意酒食。以致陽氣內結。陰血內枯而成。治宜調養心  
脾。以舒結氣。填精益血。以滋枯燥。夫反胃乃胃中無  
陽。不能容受食物。命門火衰。不能薰蒸脾土。以致飲  
食入胃。不能運化。而爲朝食暮吐。暮食朝吐。治宜益  
火之源。以消陰翳。補土通陽。以溫脾胃。故先生於噎  
膈反胃各爲立法以治之。其陽結於上。陰虧於下而

爲噎膈者用通陽開痞通補胃脘以及進退黃連附子瀉心諸法上熱下寒爲治其肝陰胃汁枯槁及煩勞陽亢肺胃津液枯而成噎膈者用酸甘濟陰及潤燥清燥爲主其液虧氣滯及陽衰血瘀而成噎膈者用理氣逐瘀兼通血絡爲主其胃陽虛而爲噎膈反胃及痰鬱痰阻而成者用通補胃脘辛熱開鬱以及苦降辛通佐以利痰清膈爲主其肝鬱氣逆而爲噎膈者兩通厥陰陽明爲治其酒熱鬱傷脾胃氣不降而爲噎膈者用輕劑清降及苦辛寒開肺爲主而先生於噎膈反胃治法可謂無遺蘊矣張景岳云治噎

膈大法當以脾腎爲主其理甚通當宗之又。有飲膈熱膈及憂氣。恚食寒之膈其主治各據本門茲不復贅。柳滋九

是證每因血枯氣衰致此。凡香燥消清之藥久在禁內案中雖有一二倣用辛熱而亦必諦審其爲陽微濁踞者其餘或苦辛泄滯而兼潤養或酸甘化液而直滋清或鬱悶於氣分而推揚穀氣或勞傷於血分而宣通瘀濁總以調化機關和潤血脉爲主。陽氣結於上陰液衰於下二語實爲證之確切論也。姚亦陶

# 噫噎

胃虛客  
氣上逆

王二初用辛通見效。多服不應。想雨濕泛潮都是濁陰上

加致胃陽更困。倣仲景胃中虛客氣上逆噫氣不除例。

人參

旋覆花

代赭石

半夏

茯苓

乾姜

某

味淡。嘔惡噎氣。胃虛濁逆。

白旋覆花

釘頭代赭

炒黃半夏

姜汁

人參

茯苓

注三壯年飲酒聚濕。脾陽受傷已久。積勞饑餓。亦令傷陽。

遂食入反出噫氣不爽隔拒在乎中焦總以溫通鎮逆  
爲例

白旋覆花 釘頭代赭 茯苓 半夏

淡附子 淡乾姜

脾肺經 徐 噫氣不爽食後甚

杏仁 半夏麴 橘紅 厚朴

鬱金 桔梗

胃腸經 陳仁多噦胸膈不爽胃陽弱宜薄味

生白朮 茯苓 新會皮 半夏麴

益智仁 厚朴 生姜

脾胃不和

某

噯氣腹微痛脾胃未和

人參

焦白芍

茯苓

炙甘草

內經止有噯字而無噯字故經云五氣所病心爲噯又云寒氣客於胃厥逆從下上散復出於胃故爲噯夫噯噯一症或傷寒病後及大病後多有此症蓋以汗吐下後大邪雖解胃氣弱而不和三焦因之失職故清無所歸而不升濁無所納而不降是以邪氣留連噯酸作飽胸膈不爽而爲心下痞鞭噯氣不除乃胃陽虛而爲陰所格阻陽足則充周流動不足則膠固格阻矣仲景立旋覆代赭湯用人參甘草養正補

虛姜棗以和脾養胃。所以安定中州者至矣。更以旋覆花之力。旋轉於上。使陰中格阻之陽升而上達。又用代赭石之重鎮。墜於下。使戀陽留滯之陰降而下達。然後參甘大棗。可施其補虛之功。而生姜半夏。可奏其開痞之效。而前賢治噫噎一症。無出仲景右矣。故先生於胃虛客氣上逆。及胃陽虛脾胃不和。肺氣不降。而爲噫噎者。每宗仲景法。加莖出入。或加杏仁。桔梗以開肺。智仁朴朮以散滿。甘草白芍以和胃。靡不應手取愈。可謂得仲景心法矣。鄒時素

# 嘔吐

升北青

高四咽阻。吞酸痞脹。食入嘔吐。此肝陽犯胃。用苦辛泄降。

吳萸

川連

川楝子

杏仁

茯苓

半夏

厚朴

錢三脉細。右堅大。向有氣衝。長夏土旺。嘔吐不納食。頭脹。腕痺。無非厥陽上冒。議用苦辛降逆。酸苦泄熱。不加嘔。怒胃和可愈。

川連

半夏

姜汁

川楝子皮

烏梅

廣皮白



金<sup>四</sup>三脉細小而弦風木乘土當春勢張食入不變嘔吐得  
小便通少緩治以通陽

炮附子

人參

半夏

吳萸

淡姜

茯苓

又脉右弦濇陽微陰凝食入則吐胃痛脹甚半月前用  
藥得效後反大便秘解不通腑陽不利濁乃上攻先用  
玉壺丹七分 四服

蔣<sup>三</sup>脉沉食入嘔吐忌冷滯食物

吳萸

半夏

姜汁

茯苓

公丁香柄

廣皮白

顧脉濡弱。左脇下久有聚氣。納食。釀積於胃脘之中。兩三日嘔噯吞酸。積物上湧。吐出。此皆怫怒動肝。肝木犯胃。胃中陽傷。不能傳及小腸。遂變化失司。每七八日始一更衣。爲胃氣不主下行故也。法當溫胃陽。制肝逆。宿病糾纏。恐多反覆。

淡附子

淡乾姜

姜汁

生白芍

淡吳萸

白粳米

朱胃中不和。食入嘔吐。怒動而病。必先制肝。溫胆合左金爲宜。去甘草茯苓加姜汁。

某氣自左升。腹中膨滿。嘔吐涎沫黃水。暴咳不已。是肝

氣逆乘。過胃犯肺。當制肝和胃。安虢丸

某。嘔黑綠苦水。顯屬下焦濁邪犯胃。

人參

川椒

烏梅

茯苓

紫石英

桑螵蛸

沈。食過逾時。漾漾湧涎欲吐。診脈濡滑。以胃虛肝乘宗

仲景旋覆代赭法。

旋覆花

代赭石

人參

半夏

茯苓

廣皮

王四。肝病犯胃。嘔逆。口吐清涎。頭暈。乳房痛。肢麻痺。

人參

茯苓

桂枝木

七錢

川棟子

一兩

川連

鹽水炒  
七錢

烏梅

一兩

當歸

一兩

生白芍

一兩

某

冷濕傷胃

肝木上侮

衝氣欲嘔

腹痛

淡吳萸

厚朴

草薢

藿香梗

木瓜

茯苓

毛

因驚肝氣上犯

衝逆嘔吐

涎陽升至巔

爲頭痛

脉右

弱左弦當從厥陰陽明治

人參

川連

茯苓

川楝

川椒

烏梅

乾姜

生白芍

某

脉弦虛食已漾漾欲吐

咽阻中痞有痰

人參

吳萸

茯苓

半夏

廣皮

姜汁

陸 鼻明湯水下嘔嘔吐。右脉小欲歇。明是勞傷。肝乘胃反。小半夏湯加檀香泥炒白粳米。

顏氏 乾嘔脇痛。因惱怒而病。是厥陰侵侮陽明。脉虛不食。

當與通補。大半夏湯加姜汁桂枝南棗。

某 肥膩滯胃。肝木始得再乘土位。致氣逆上壅嘔出。久病至節反劇。最屬不宜。總是調攝未盡善奈何。暫與降逆平肝安胃一法。

降香

蘇子

旋覆花

茯苓

半夏

廣皮

韭汁

范 脇痛入脘。嘔吐黃濁水液。因驚動肝。肝風振起。犯胃。  
平昔液衰。難用剛燥。議養胃汁。以熄風方。

人參

炒半夏

炒麥冬

茯神

廣皮白

炒香白粳米

又 六味去萸換芍。加麥冬。阿膠。秋石。

唐氏

動氣肝逆。厥性凝寒滯胃。卒然大痛嘔涎。乃逆滯上  
攻也。治肝厥以通例。

炒黑川椒

烏梅肉

生乾姜

川桂枝木

人參

白芍

某 積勞傷陽。先已脘痛引背。昨頻吐微眩。脈弱汗出。胃

中已虛。肝木來乘。防有呃逆吐蛔。俟仲景食入則嘔者。吳茱萸湯主之。

吳萸 半夏 茯苓 姜汁 梗米

王二早上水飲米粥。至晚吐出不化。知濁陰酉戌升逆。癢形痛而漸大。九藥吐出不化。胃陽乏極矣。兩進平肝理氣不效。法當單辛熱開濁。

吳萸 熟附子 良姜 川楝子

茯苓 荳蔻

某肝風犯胃。嘔逆眩暈。苦降酸泄。和陽佐微辛以通胃。

川連 黃芩 烏梅 白芍

半夏

姜汁

李

厥吐。腹痛氣衝。安胃丸。

王

胃虛少穀。肝來乘尅。嘔吐不能受納。蓋臟厥象也。

人參

川連

附子

黃芩

乾姜

枳實

張氏

勉強攻胎。氣血受傷。而爲寒熱經脈之氣。而爲身痛。

乃奇經衝任受病。而陽維脈不用事也。內經以陽維爲

病苦寒熱雜者。一身之剛維也。既非外感。羌蘇耒葛三

陽互發。世無是病。又苓梔枳朴之屬。辛散繼以苦寒。未

能中病。胃口屢傷。致湯飲皆噦出無餘。大便不通。已經



半月其吐出形色青綠涎沫。顯然肝風大動。將胃口翻空。而腸中污水。得風翔如浪決。東西蕩漾矣。熄風鎮胃。固是定理。但危篤若此。明理以邀天眷耳。

淮小麥

百粒

火麻仁

一錢

阿膠

二錢

生地

二錢

秋石拌人參

錢一

南棗肉

錢一

陳氏未病先有耳鳴眩暈。恰值二之氣交。是冬藏根蒂未固。春升之氣泄越。無以制伏。更屬產後情氣未復。又自乳耗血。血去液虧。真陰日損。陽氣不交於陰。變化內風。上巔犯竅。衝逆肆橫。胃掀吐食。攻腸爲瀉。襲走脉絡。肌肉皆腫。譬如諸門戶盡撤。遂致暴風飄漾之狀。醫者辛

散苦降重墜。不但病未嘗理。致陽更泄。陰愈涸。煩則震動。卽厥由二氣不能自主之義。閱王先生安胃一法。最爲卓識。所參拙見。按以兩脉。右手瀼弱。虛象昭然。左脉空大。按之不實。亦非肝氣肝火有餘。皆因氣味過辛散越。致二氣造偏。茲以病因大旨。兼以經義酌方。

人參

茯苓

半夏

白芍

煨姜

炒粳米

厥陰病

周

痛從少腹上衝。爲嘔爲脹。是厥陰穢濁致患。

韭白根

淡吳茱萸

小茴香

桂枝木

兩頭尖

茯苓

又炒橘核

炙山甲末

韭白

歸尾

川楝子

延胡

小茴香

徐<sup>四</sup>六氣衝偏左厥逆欲嘔嘔盡方適伏飲在於肝絡辛以通之

吳萸

泡淡  
八分

半夏

三錢

茯苓塊

三錢

淡乾姜

一錢

代赭石

二錢

旋覆花

二錢

某脈搏肢冷嘔逆下痢白積生冷水寒鬱生陽氣上擡心大痛乃厥陰濁邪上攻

吳萸

丁香

藿香

川楝子

木香

廣皮

茯苓

陽虛  
湯陰上

清涎上湧。食物吐出。乃飢飽傷及胃中之陽。禁鮮薑。冷滑。經年可安。

半夏

厚朴

生益智

姜汁

生白朮

茯苓

宋三陽微不運。水穀悍氣聚濕。致食入即嘔。周身牽掣不和。乃陽明之脈不用事也。久延恐致腫脹。苓姜朮桂湯加厚朴椒目。

陸七食已即吐。病在胃也。用辛以通陽。苦以清降。

半夏

川連

厚朴

茯苓

姜汁

齋四早食頗安。晚食必胃痛嘔吐。陽氣日微。濁陰聚則有

形。夜痛至曉。陰邪用事。乃劇。

半夏

姜汁

淡乾姜

秦椒

厚朴

茯苓

王診脉右濡左弦。舌白不飢。痰血上吐下瀉。胃陽大傷。藥餌下咽則湧。前醫用大半夏湯不應。詢知所吐皆係酸水痰沫。議以理陽方法。

人參

茯苓

川椒

乾姜

潘十。食後吐出水液。及不化米粒。二便皆通。並不渴飲。五年不愈。且理胃陽。用仲景法。

熟附子

半夏

姜汁

白粳米

又泄瀉陰劫水飲以安胃陽服四日腹脹吐水已減知陽腑之陽非通不闔再宗仲景法真武湯加人參范脉虛無神聞穀乾嘔汗出振寒此胃陽大虛不必因寒熱而攻邪

人參

茯苓

炒半夏

姜汁

烏梅

陳皮

又脉微細小胃陽大衰以理中兼攝其下

人參

淡熟附子

茯苓

炒白粳米

炒黃淡乾姜

又人參

茯苓

乾姜

煨益智仁

廣皮

生白芍

金參藥不受。皆濁陰在上。阻塞氣機。幾無法矣。勉與白通湯。加入尿猪胆汁。急進。以通陽泄濁。

附子

生淡姜

蔥白

五寸

人尿

猪胆汁

沈九吹笛震動元海病。治宜填實下焦。但噎食吐出。又便溏不實。中無砥柱。陰藥下未受益。中再受傷矣。倣補益中宮。仍佐鎮逆一法。

人參

焦術

炒焦半夏

茯苓

旋覆花

代赭石

吳

寒熱邪氣擾中。胃陽大傷。酸濁上湧。吐出。脘痛如刺。

無非陽衰陰濁上僭致胃氣不得下行高年下元衰微必得釜底煖蒸中宮得以流通擬用仲景附子瀉心湯通陽之中原可泄熱開導煎藥按法用之

人參

半錢

熟附子

半錢

淡乾姜

一錢

三味另煎汁

川連

六分

炒半夏

半錢

枳實

一錢

茯苓 三錢

後四味用水一盞滾水一杯煎三十沸和入前三味藥汁服

江脉弦遲湯水不下膈嘔吐涎沫此陽結飲邪阻氣議以辛熱通陽反佐苦寒利膈用瀉心法

人參

附子

乾姜

先煎一杯入姜汁四分



川連 黃芩 半夏 枳實 滾水煎和入煎藥服

孫十食物隨入即吐並不渴飲當年以苦辛得效三載不

發今心下常痛如辣大便六七日始通議通膈上用生

姜瀉心湯

生姜汁

四分 川連 六分

黃芩

二錢泡十次 熟半夏 三錢炒

枳實 一錢

人參

五分同煎

又問或不吐食物腹中腰脅似乎氣墜自長夏起心痛  
頭重至今未減思夏熱必兼濕在裏水穀之濕與外來  
之熱相洽結聚飲邪矣當緩攻之議用控涎丹五分間

日一用

某二五診脉左弦右弱。食粥腕中有聲。氣衝湧吐。此肝木乘

胃。生陽已薄。皆情懷不適所致。大半夏湯。

中陽虛

某中焦火衰。食下不運。作酸嘔出。

炒黃乾姜

錢一川椒炒三

半夏

錢一炒

茯苓塊

錢三

炒節

錢四

黃氏靈樞經云。中氣不足。漉便爲變。是崩淋泄瀉。皆脾胃

欲敗之現症。今湯水下嘔。少頃傾囊湧出。豈非胃陽無  
有。失司納物乎。奈何業醫者。中懷疑惑。但圖疲藥。待其  
自安。怕遭毀謗耳。此症一投桑葉。濁升填塞。必致脹滿。  
仲景於陽明滿實致煩攻下者。恐以太陰之脹誤治耳。

今舌微紅微渴皆是津液不肯升揚脾弱不運散精四布世豈有面色如白紙尚不以陽氣爲首重也耶

人參

熟於木

炙甘草

炮姜

茯神

南棗

張·嘔吐脹悶虛中氣滯

人參

茯苓

砂仁

某氏

脈微肢冷嘔吐清水食不下化帶下脊髀痠與陽氣

素虛產後奇脈不固急扶其陽用附子理中湯

附子

人參

生白朮

炮姜

炙草

又

煖胃陽以劫水濕帶下自緩

照前方加胡蘆巴

又脉象稍和已得理中之效議用養營法

養營去遠志黃芪五味 卽作丸方

白陽虛  
和伏不  
食

蔡如

凡論病先論體質形色脉象以病乃外加於身也夫

肌肉柔白屬氣虛外似豐溢裏實大怯蓋陽虛之體爲  
多濕多痰肌踈汗淋唇舌俱白乾嘔胸痞煩渴引飲由  
乎脾胃之陽傷觸和得偕踞於中留蓄不解正衰和藏  
試以脉之短濇無神論之陽衰和伏顯然况寒涼不能  
攻熱清和便是傷及胃陽之藥今春不納穀大便漸稀  
若不急和胃氣無成法可遵所謂肥人之病虛虛其陽  
泰擬一方仍候明眼採擇

人參

半夏

生於朮

枳實

茯苓

生薑

陽虛及  
少陽

吳六

壯年形偉。脉小濡。惡聞穢氣。食入嘔噦。緣陽氣微弱。

濁陰類聚。口鼻受汚濁異氣。先入募原。募原是胃絡分  
布。上逆而爲嘔吐。此病理標者。用芳香辟穢扶正氣治  
本。以溫上通陽。

藿香

草果

公丁香

茯苓

厚朴

砂仁殼

廣皮

草撥

又人參

茯苓

生益智

胡盧巴

煨木香

煨姜

嘔傷胃  
中不和  
動津

孫 寒。鬱化熱。營衛氣逆。遂與滯。食入即吐。胃中熱灼。當忌進腥油。先用加味溫胆湯。

鮮竹茹

半錢 半夏半錢

金石斛三錢

茯苓半錢

廣皮白

半錢 枳實半錢

姜汁一匙

調

吳 兩番探吐。腕痛立止。氣固宣暢。胃津未能無損。風水來乘。外冷裏熱。診脈右大。並不搏指。當少少進穀。以養胃。多噫。多下泄。氣調和中。焦爲宜。

炒竹茹

半夏

川斛

橘紅

黑山梔

香豉

肝腎虛  
衝脈氣

曹 三四少腹屬肝。肝厥必犯陽明胃腑。故作痛嘔。二年來病。

上通

人已不知因何起病。醫徒見病圖治。想肝腎必自內傷。爲病久則奇經諸脉交傷。經謂衝脉動而諸脉交動也。議溫通柔潤劑。從下焦虛損主治。

淡從蓉乾

一錢

茯苓

三錢

當歸

二錢

炒沙苑

一錢

肉桂心

五分

後加鹿角霜

熱和內

何 寒熱嘔吐。胸中格拒。喜煖飲。怕涼。平昔胃陽最虛。熱

邪內結。體虛邪實。最防痙厥。

人參

黃芩

炒半夏

姜汁

川連

枳實

某

舌赤濁。嘔不寐不饑。陽邪上擾。治以苦辛。進瀉心法。

暑候內結

淡黃芩

川連

炒半夏

枳實

姜汁

某

鬱熱阻飲痺嘔有年最慮噎膈

半夏

金剛

姜汁

茯苓

杏仁

廣皮白

毛氏

舊有胃痛脘痺嘔吐之病秋前舉發已得小安近痛

嘔復來身體燭熱宿病未罷而暑熱穢氣上竅侵入三焦混淆恐內閉變現痙厥

川連

淡黃芩

半夏

姜汁

黑山梔

枳實汁

某

舌黃不渴飲久嗽欲嘔吐前用金匱麥門冬湯養胃



小效。自述背寒。口吐清痰。暑濕客邪未盡。虛體當輔正。醒脾却暑。

人參 茯苓 廣皮 半夏 姜汁

肝火刑金

郭五知。饑能納。忽有氣衝。涎沫上湧。腕中格拒。不堪容物。內經謂肝病吐涎沫。丹溪云。上升之氣。自肝而出。木火上凌。柔金受尅。咳嗆日加。治以養金制木。使土宮無戕賊之害。滋水制火。令金臟得清化之權。此皆老年積勞。致傷。豈攻病可效。

蘇子 麥冬 枇杷葉 杏仁 北沙參

桑葉 丹皮 降香 竹瀝

曹五勞倦嘔怒嘔吐身熱得汗熱解而氣急不寐不飢仍  
是氣分未清先以上焦主治以肺主一身氣化也

杏仁

鬱金

山梔

香豉

橘紅

瓜蒌皮

嘔吐症內經與金匱論之詳矣乃後人但以胃火胃  
寒痰食氣滯立論不思胃司納食主乎通降其所以  
不降而上逆嘔吐者皆由於肝氣冲逆阻胃之降而  
然也故靈樞經脉篇云足厥陰肝所生病者脘滿嘔  
逆况五行之生尅木動則必犯土胃病而肝不遏隔  
一之治此理淺近易明人乃不能察而好奇之輩反

誇隔二隔三之治。豈不見笑於大方也哉。試觀安胃丸。理中安蛇丸。所用椒梅。及胃虛客氣上逆之旋覆代赭。此皆胃藥乎。抑肝藥乎。於此可省悟矣。今觀先生之治法。以泄肝安胃爲綱領。用藥以苦辛爲主。以酸佐之。如肝犯胃而胃陽不衰。有大者。泄肝則用芍藥。連棟之苦寒。如胃陽衰者。稍減苦寒。用苦辛酸熱。此其大旨也。若肝陰胃汁皆虛。肝風擾胃嘔吐者。則以柔劑滋液養胃。熄風鎮逆。若胃陽虛。濁陰上逆者。用辛熱通之。微佐苦降。若但中陽虛而肝木不甚亢者。耑理胃陽。或稍佐椒梅。若因嘔傷。寒鬱化熱。劫灼胃

津則用溫胆湯加減。若久嘔延及肝腎皆虛。衝氣上逆者。用溫通柔潤之補。下焦主治若熱邪內結。則用瀉心法。若肝火冲逆傷肺。則用養金制木。滋水制火。總之治胃之法。全在溫通。虛則必用人參。藥味皆屬和平。至於治肝之法。藥味銛雜。或寒熱互用。或苦辛酸鹹並投。蓋因厥陰有相火內寄。治法不得不然耳。但觀仲景烏梅丸法。槩可知矣。案輯六十有餘。大半皆由肝和爲患。非先生之卓識。安能暢發此理乎哉。  
華岫雲

# 吐蚘

胃盛肝寒

王厥陰吐蚘寒熱乾嘔心胸格拒舌黑渴不欲飲極重之症

烏梅肉

半錢

桂枝木

錢一

炒黑川椒

分四

白芍

錢一

小川連

分三

黃芩

錢一

生淡乾姜

錢一

席脉右歇舌白渴飲院中痞滿多嘔逆稠痰曾吐蛔虫此伏暑濕皆傷氣分邪自裡發神欲昏冒濕邪不運自利粘痰議進瀉心法 半夏瀉心湯

又凡蚘虫上下出者皆屬厥陰乘犯陽明內風入胃嘔

吐痰涎。渴。沐如仲景厥陰篇中。先厥後熱。同例。試論寒熱後。全無汗解。謂至陰伏和既深。焉能隔越諸經。以達陽分。閱醫藥方。初用治肺胃。後用溫脾茯苓飲。但和胃治痰。與深伏厥陰之和未達。前進瀉心湯。苦可去濕。辛以通痞。仍在上中。服後胸中稍舒。逾時稍寐。寐醒嘔吐。濁痰有黃黑之形。大凡色帶青黑。必係胃底腸中逆湧而出。老年衝脉既衰。所謂衝脉動。則諸脉皆逆。自述嘔吐之時。周身牽引。直至足心。其陰陽踰維。不得自固。斷斷然矣。仲景於半表半裏之邪。必用柴苓。今上下格拒。黃以桂枝黃連湯爲法。泰以厥陰引經。爲通裡之使。俾

衝得緩滲進通補陽明此爲治厥陰章旨

淡乾姜

桂枝

川椒

烏梅

川連

細辛

茯苓

又肝鬱味舒理進苦辛佐以酸味者凡其過剛也飯食穀則嘔側

人參

茯苓

吳茱萸

半夏

川連

烏梅

又癰來得汗陰分之邪已透陽經第痰嘔雖未減青綠形色亦不至最屬可喜舌心白苔未淨舌邊漸紅而神倦困憊清和佐以輔正一定成法

人參

半夏

茯苓

枳實汁

乾姜

川連

又食入欲嘔。心中溫溫液液。痰沫味鹹。脊背上下引痛。腎虛水液上泛爲涎。腎脉不司約束。議用真武撤其水寒之逆。二服後接服。

人參

半夏

茯苓

桂枝

煨姜

南棗

又別後寒熱三次。較之前發減半。但身動言語氣衝。湧痰吐逆。四肢常冷。寒熱汗出時。四肢反熱。此陽衰胃虛。陰濁上乘。以致清氣無以轉舒。議以胃中虛客氣上逆。



爲噫氣嘔吐者。可與旋覆代赭湯。仍佐通陽以制飲逆。  
加白芍附子。

又 鍾逆方雖小效。究是強制之法。凡痰飲都是濁陰所  
化。陽氣不振。勢必再熾。仲景謂飲邪當以溫藥和之。前  
方劫胃水以甦陽。亦是此意。議用理中湯。減甘草之守。  
仍加姜附以通陽。并入萸棗以醒脾。二服後接用。

人參

乾姜

半夏

生白朮

附子

生白芍

土 脉沉弦。腹痛嘔吐。鼻煤舌絳。面帶青晦色。夏秋伏暑  
發熱。非冬月。乃悞表禁食。胃氣受傷。致肝木上干胃土。

蛇虫上出遂成重病。常有厥逆之慮。擬進泄肝和胃。得痛止嘔緩。冀有轉機。

川椒

川連

烏梅

乾姜

人參

茯苓

生白芍

川楝子

程大病後。胃氣極傷。肝木乘土。蛔欲透膈。脘脇陣痛。足土衰木尅。古人以狐惑虫厥。都以胃虛少穀爲調。

安胃丸

人參川椒烏梅湯化送二錢

周三兩脇痛。尤甚於左。嘔吐蛔虫。年前好食生米。此飢飽加以怒勞。胃土不和。肝木來犯。試觀幼穉有食米麥泥炭者。皆裡滯久聚。初從濕熱鬱蒸而得宜和陽宣腑。辛

竄通絡濕去熱走腑絡自和

川連 乾姜 桂枝 金鈴子 延胡

蘆薈 白芍 枳實 烏梅丸服三錢

李 身不壯熱二便頗通已非風寒停滯之病因驚動肝厥氣下泛蛔虫上攻觸痛嘔吐清涎仲景云蛔虫厥都從驚恐得之 人參安蛔法

又 古人云上升吐衄下降狐惑皆胃虛少穀肝臟厥氣上干耳既知胃中虛客氣上冲逆犯斯鎮逆安胃方是遵古治法

人參 代赭石 烏梅肉 川椒

川楝子 茯苓

又 人參 茯苓 炒當歸 炒白芍

桂心 炙草 饅姜 南棗

又 忽然痛再發。診脉微細。恰值立夏之交。正氣不相接。續有復厥之慮。

人參 桂枝木 川楝子 炒川椒

生白芍 烏梅肉 川連 細辛

濕熱結於厥陰。葉以熱氣上閉耳。身熱神識不清。當清心營肺衛。

竹葉心 飛滑石 連翹 川貝

石膏蒲根 生萊豆皮

又暑濕熱內蒸吐蛔口渴耳聾

川連

水炒四分

半夏

一錢半

枳實

一錢

廣皮

曰三錢

菖蒲

一錢半

杏仁

三錢

又身熱三候不解。胃痞入暮譫語耳聾吐蛔。此熱結厥陰。症勢最險。

川連

黃芩

乾姜

枳實

半夏

姜汁

茯苓

菖蒲

吐蛔本屬肝胃症。因厥陰之邪上逆。蛔不能安。故從上而出也。今所輯方案。皆因客邪病而致吐蛔者。雖有瀉心湯。桂枝黃連湯。安胃丸等。然皆不離乎仲景

之烏梅丸法以苦辛酸寒熱並用爲治。當與嘔吐門  
同參。至於幼穉有吐蛔瀉蛔及諸虫之病。治標則有  
殺虫之方。治本則溫補脾胃。或佐清疳熱。前人各有  
成法。不必重贅。華玉堂

# 不食

張

脈虛緩不食不飢形寒浮腫

人參

生益智

廣皮

半夏麴

茯苓

生白芍

煨姜

楊氏

胃傷惡食絡虛風動浮腫先與荷米煎

人參

新會皮

檀香泥

炒粳米

炒荷葉蒂

潘 不飢不食假寐驚跳心營熱入胃汁全虧調攝十日可愈

鮮生地

麥冬

知母

竹葉心

火麻仁

銀花

王熱損胃汁不欲食穀

麥冬

蜜炒知母

地骨皮

川貝母

竹葉心

嘉定花粉

生甘草

甜梨皮

陸二時病後脉弦而勁知飢不納胃氣未和當靜處調養

鮮省頭草

鮮蓮子

茯神

大麥仁

川斛

炒知母

鄭三脉濡無力唇赤舌乾微眩不飢不飽此天暖氣泄而

煩勞再傷陽氣夫衛外之陽內應乎胃胃既逆則不納

不飢矣



炒麥冬 木瓜 烏梅肉 川斛 大麥仁

上焦濕熱阻氣

某

風濕氣痺不飢

杏仁

滑石

土薏皮

連翹

橘紅

鬱金

翁一夏季溫熱上受首先入肺河間主三焦極是今世醫者初用非發散即消食散則耗氣消則劫胃究竟熱蘊未除而胃汁與肺氣皆索故不飢不食不便上脘似格似阻酸濁之氣皆是熱化病延多日苦寒難以驟進先擬開提上焦氣分

蘇子

杏仁

土瓜蒞皮

枇杷葉

黃芩

降香

有胃氣則生無胃氣則死此百病之大綱也故諸病若能食者勢雖重而尚可挽救不能食者勢雖輕而必致延劇此理亦人所易曉也然有當禁食與不當禁食之兩途如傷寒之邪傳入陽明之腑胃有燥熱昏譫者有乾霍亂之上下不通或正值吐瀉之際或癰痧未達於表或瘟疫之邪客於募原或瘧和交戰之時或初感六淫之邪發熱脘悶邪氣充塞瀾漫嘔惡痞脹不飢或傷食惡食等症此雖禁其穀食可也其餘一切諸症不食者當貴之胃陽虛胃陰虛或濕

熱阻氣或命門火衰其他散見諸門者甚多要知此  
症淡飲淡粥人皆惡之或辛或醎人所喜也或其人  
素好之物亦可酌而投之以醒胃氣惟酸膩甜濁不  
可進至於案中治法一覽可盡茲不重贅華玉堂

# 腸痺

肺氣不  
調

張

食進脛中難下。大便氣塞不爽。腸中收痛。此爲腸痺。

大杏仁

枇杷葉

川鬱金

土瓜蔓皮

山梔

香豉

夏十二食下臍脹旬日得一更衣。腸胃皆臍。以通爲用。丹溪  
每治腸痺必開肺氣。謂表裡相應治法。

杏仁

紫苑

冬葵子

桑葉

土瓜蔓皮

又腸痺開肺不效。用更衣丸三錢。

吳身重不能轉移。尻髀板着。必得撫摩少安。大便不通。

、溲短少不饑少飲此時序濕邪蒸鬱化熱阻於氣分。經膈氣隧皆阻。病名濕痺。

木防己

錢一

杏仁

錢二

川桂枝

錢一

石膏

錢三  
研

桑葉

錢一

丹皮

錢一

又舌白不渴不饑大便經旬不解。皮膚麻痺。腹中鳴動。皆風濕化熱阻遏氣分。諸經脉絡皆閉。昔丹溪謂腸痺。宜開肺氣以宣通。以氣通則濕熱自走。倣此論治。

杏仁

瓜蒌皮

鬱金

枳殼汁

山梔

香豉

紫苑

沈二濕結在氣。二陽之痺。丹溪辨治在肺。肺氣化則便自

通

紫苑

杏仁

枇杷葉

土瓜萆皮

鬱金

山梔皮

枳殼汁

桔梗汁

蔣

肺痺鼻淵胸滿目痛便阻用辛潤自上宣下法

紫苑

杏仁

瓜萆皮

山梔

香豉

白菴仁

董

高年癯後內傷食物。腑氣阻滯。胸攻腹痛。二便至今

不通。診脉右部弦搏。渴思冷飲。昔丹溪大小腸氣閉於

下。每每開提肺竅。內經謂肺主一身氣化。天氣降。斯雲

霧清。而諸竅皆爲通利。若必以消食辛溫。恐胃口再傷。

滋擾變症。聖人以真氣不可破泄。老年當遵守。

紫苑

杏仁

瓜蒌皮

鬱金

山梔

香豉

又舌赤咽乾。陽明津衰。但痰多不饑不食。小溲不爽。太便尚秘。倣古人以九竅不利。咸推胃中不和論治。

炒半夏

竹茹

枳實

花粉

橘紅

姜汁

葉女

二便不通。此腸痺。當治在肺。

紫苑

杏仁

葶皮

鬱金

黑山梔

桔梗

又威喜丸

某 痢瘡肺病未經清理致熱邪透入營中遂有瘀血暴  
下今診舌白不渴不能納食大便九日不通乃氣痺爲  
結宗丹溪上竅閉則下竅不出矣

杏仁

枇杷葉

瓜蒌皮

川鬱金

香豉

薤仁

又 用手太陰藥卽思納穀陽明氣痺無疑

紫苑

杏仁

枇杷葉

瓜蒌皮

鬱金

黑山梔

腸痺本與便閉同類今另分一門者欲人知臍病治  
臍下病治上之法也蓋腸痺之便閉較之燥屎堅結



欲便不通者稍緩。故先生但開降上焦肺氣。上竅開。泄下竅自通矣。若燥屎堅閉。則有則三承氣。潤腸丸。通幽湯。及溫脾湯之類主之。然余謂便閉之症。傷寒。門中當急下之條無幾。餘皆感六淫之邪。病後而成者爲多。斯時胃氣未復。元氣已虛。若遽用下藥。於理難進。莫若外治之法爲穩。用蜜煎導法。設不通。寒虛者。間二三日再導。余見有漸導。漸去燥糞五六枚。或七八枚。直至二旬以外第七次。導去六十餘枚而愈者。此所謂下不嫌遲也。學者不可忽諸。華玉堂

# 便閉

大便閉

藳陳藥  
結

葉二陽氣鬱勃，腑失傳導，納食中痞，大便結燥，調理少進，酒肉堅凝，以宣通腸胃中鬱熱可效。

川連

蘆薈

萊菔子

炒山查

廣皮

川楝子

山梔

厚朴

姜汁炒

青皮

又熱鬱氣阻三焦通法。

杏仁

藳金

厚朴

廣皮白

蘆薈

川楝子

煨火

李九診脈如前。服鹹苦入陰。大便仍秘濇。針刺一次。病無。

增減可謂沉痾之疾。夫病着深遠。平素飲酒厚味。釀濕聚熱。漬筋燠骨。既已經年不拔。區區湯液。焉能通逐。議以大苦寒堅陰燥濕方法。參入酒醴引導。亦同氣相求之至理。

黃柏

茅朮

生大黃

乾地龍

金毛狗脊

川連

葶藶

晚蚕沙

川山甲

漢防已

仙靈脾

海金沙

川獨活

北細辛

油松節

白茄根

黃酒燒酒各半浸七日

大腑不通

吳媚

脉右如昨。左畧小動。肝屈震動。裏氣大燥。更議鎮重苦滑。以通火腑。逾六時便通。瀉行亦肝喜踈泄之一助。

濕熱小  
腸痺

更衣丸一錢五分

江

脾宜升則健。胃宜降則和。蓋太陰之上。得陽始運。陽明陽土。得陰自安。以脾喜剛燥。胃喜柔潤。仲景急下存津。治在胃也。東垣大升陽氣。治在脾也。今能食不運。醫家悉指脾弱是病。但診脈較諸冬春盛大兼弦。據經論病。獨大獨小。斯爲病脈。脾臟屬陰。胃腑屬陽。脈見弦大。非臟陰見病之象。久病少瘕。猶勉強支撐。兼以大便窒塞。泄氣不爽。坐談片刻。噯氣頻頻。平素痔瘡腸紅。未向安適。此脈症全是胃氣不降。腸中不通。腑失傳導變化之司。古人云。九竅不和。都屬胃病。六腑爲病。以通爲補。

腎燥熱

虛風便閉

經年調攝。不越參朮桂附。而毫乏應效。不必再進湯藥。議做丹溪小溫中丸。服至七日。俾三陰三陽一週再議治之義。小溫中丸二兩一錢。

朱 足麻僂廢。大熱陰傷。內鬱大便不通。由懷抱不舒病。加先用滋腎丸四錢。鹽湯下四服。

某 芡朮守中。漸生滿脹。小便少。大便窒。腸氣亦滯。病久延虛。補湯難進。議以每日開水送半硫丸一錢五分。以通經腑之陽。

吳 有年。二氣自虛。長夏大氣發泄。肝風飈張。見症類中。投劑以來。諸恙皆減。所嫌旬日猶未更衣。仍是老人風。

秘閱古人書以半硫丸爲首方今當採取用之

半硫丸一錢開水送三服

陳<sup>三</sup>用苦藥反十四日不大便腸中陽氣窒閉氣結聚成  
形非硝黃攻堅半硫丸一錢二分

又陽氣窒閉濁陰凝滯成氏稱爲陰結口甜夜脹清濁  
未分每日用來復丹一錢五分

廿<sup>五</sup>三脉左微弱右弦前議入夜反胃脘痛是濁陰上攻據  
說食粥不化早食至晚吐出仍是不變之形火土不生  
不司腐熟溫藥一定至理第氣攻膈中究瀉不得亟必  
腸間屈曲隱處無以旋轉機關風動則鳴議用半硫丸

血液枯

醫部全錄卷四

周一減食過半。糞堅若彈丸。脾胃病。從勞傷治。

當歸

麻仁

栝子仁

肉蓯蓉

松子肉

某液耗胃弱。火升便難。三才加麥冬。茯神川斛。

天冬

地黃

人參

麥冬

茯神

川斛

潘肝血腎液久傷。陽不潛伏。頻年不愈。傷延胃腑。由陰干及乎陽。越人且畏。凡肝體剛。腎惡燥。問大便五六日更衣。小溲時間淋瀝。尤非呆滯補瀉所宜。

炒杞子

沙苑

天冬

桂酒拌白芍

茯苓

豬脊筋

又精血損傷。五液必燥。問六七日更衣。以潤劑。酒下。用後有遺精。而陽乘巔頂。法當潛陽固陰。

龜甲心 生地 阿膠 鎖陽 川石斛

顧綱陽明脉大。環跳尻骨筋掣而痛。痛甚足筋皆縮。大便秘艱常秘。此老年血枯。內燥風生。由春升上。僭下失滋養。昔喻氏上燥治肺。下燥治肝。蓋肝風木橫。胃土必衰。陽明諸脉。不主束筋骨。流利機關也。用微鹹微苦。以入陰方法。

鮮生地八錢 阿膠三錢 天冬一錢半 人中白一錢

川斛二錢 寒水石一錢



又 鹹苦治下入陰。病樣已減。當暮春萬花開放。陽氣全  
升於上。內風亦屬陽化。其下焦脂液悉受陽風引吸。燥  
病之來。實基乎此。高年生。生既少。和陽必用陰藥。與血  
攻其病者有間矣。

生地

三錢

阿膠

一錢

天冬

一錢

麥冬

一錢

栢子霜

二錢

松子仁

二錢

方龍

虎潛丸去瑣陽加鹹從蓉猪脊筋丸

包

陽升風秘

栢子仁

當歸

紅花

桃仁

郁李仁

牛膝

吳液耗便艱進辛甘法

杞子

栢子仁

歸身

茯神

沙苑

炒山查

某飢飽勞碌中州受傷中脘痛兩脇脹噯世氣寬靜則安大便艱

栢子仁

歸鬚

菠菜

韭菜

五靈脂

桃仁

丹皮

某高年下焦陰弱六腑之氣不利多痛不得大便乃幽門之病面白脉小不可峻攻擬五仁潤燥以代通幽是王道之治

火麻仁

郁李仁

栝子仁

松子仁

桃仁

當歸

白芍

牛膝

李<sub>三</sub>

六脉小弱。形瘦。腸風已久。年來食少便難。得噤噫泄氣。

自覺爽澤。夫六府通即爲補。倣東垣通幽意。

當歸

桃仁

紅花

郁李仁

冬葵子

栝子霜

蘆管

松子肉

水熬膏服五錢

金<sub>二</sub>

十湯飲下咽。噤噫不已。不飢不食。大便乾堅若彈丸。大

凡受納飲食。全在胃口。已經胃逆爲病。加以噤怒。其肝木之氣貫膈犯胃。斯病加劇。况平昔常似有形骨梗。脉得左部弦實。血鬱血結甚肖。進商辛潤方法。

桃仁

冬葵子

皂莢核

郁李仁

大黃

降香

鬱金

李

據云兩次服辛溫藥。痰濁隨溢出口。此必熱痰在肝

胃絡間。故腕脇痞脹。大便阻塞不通。蘆薈苦寒通其陰。僅僅更衣。究竟未能却痰。攻病有年。久恙自當緩攻。湯藥盪滌。理難於用。議以桃仁承氣湯爲丸。

某

左脉弦數。溺短而痛。導赤散加丹皮赤苓。

某

舌白身熱。溺不利。

杏仁

一錢

桔梗

一錢

滑石

三錢

通草

一錢

連翹

一錢

蘆根

一兩

臨證指南醫案

卷四

便閉

暑

汪 秋暑穢濁由吸而入。寒熱如瘧。上咳痰。下洞泄。三焦皆熱。氣不化。則小便不通。擬芳香辟穢。分利滲熱。必要小溲通爲主。

藿香板 厚朴 檀香汁 廣皮 木瓜

猪苓 茯苓 澤瀉 六一散

又 昨進分消方。熱勢畧減。小便畧通。所有濕熱穢濁。混處三焦。非臆說矣。其陰莖囊腫。是濕熱甚而下墜入腑。與方書莖腫。欬症有間。議河間法。

飛滑石 石膏 寒水石 大杏仁

厚朴 猪苓 澤瀉 絲瓜葉

又 川連

淡黃芩

生白芍

枳實

六一散

廣皮白

生穀芽

陳 暑熱不得解散。壅腫癰閉。宜通六腑。已現瘰癧。非輕  
冰症

防已

茯苓皮

猪苓

通草

海金沙

苡仁

又 經腑窒熱不通。治在氣分。三焦之病何疑。

滑石

石膏

寒水石

猪苓

澤瀉

蚕沙湯煎藥

又 定三焦分消

葶藶

杏仁

厚朴

大腹皮

猪苓

澤瀉

海金沙煎湯

通腎陽不

陳六

昨用五苓通膀胱見效。治從氣分。繼而亂治。洩弱不

通。發洩急當通陽。

生乾姜

炮黑川附子

調入猪胆汁

二便俱  
閉  
小腸火  
結

孔六

膏梁形體充盛。壯年不覺。釀積既久。濕熱滲痺。致小

腸火腑失其變化傳導之司。二便閉阻日盛。右脇壅阻

作疼。當以苦藥通調。必臻小效。

蘆薈

川棟子

郁李仁

炒桃仁

當歸鬚

紅花

夜服小溫中丸二錢

濕熱小  
便

高

多鬱多怒。諸氣皆痺。腸胃不司流通。或觸有形。乃肝

胆厥逆之氣。木必犯土。嘔咳惡心。致納食日減。勉進水

穀。小腸屈曲。不司變化。爲二便不爽。所謂不足之中而

兼有餘。醫勿夸視。丹溪小溫中丸。每服二錢五分。

邵三氣攻腹脇咽腕。得洩溺洩氣乃安。此病由飢飽失和。

小腸屈曲之處。不爲轉旋運行。二便皆致不爽。當用丹

溪小溫中丸。

濕熱肺  
氣不降

金

濕熱在經。醫不對症。遂令一身氣阻。邪勢散漫。壅腫

赤塊。初因濕熱爲泄瀉。今則竅閉。致二便不通。但理肺

氣。即可宣通。葦葶湯去瓜瓣加滑石通草。西瓜翠衣。



許 暑濕熱。皆氣分先病。肺先受傷。氣少司降。致二便癯閉。此滋血之燥無效。今雖小安。宜生津清養胃陰。

麥冬

知母

甜杏仁

白沙參

三角胡麻

濕熱壅

顧二

腹滿堅實。足跗脛痛腫。二便皆不通利。因濕熱壅其腑氣也。此非中虛。當以宣通爲法。

黃芩

黃連

厚朴

枳實

青皮

蘊子

丹皮

山梔皮

腸陽不

某

少腹脹痛。二便皆秘。

玉壺丹

李三 能食知味。食已逾時乃脹。小便不利。氣墜愈不肯出。

大便四日一通。治在小腸火腑。

先用滋腎丸每早服。

三錢淡鹽湯送

某腹中脹滿當通火腑。更衣丸一錢六分

某脉動數舌乾白不欲飲水。交夏臍下左右攻痛服米飲痛緩逾時復痛。六七日大便不通小溲甚少。部位在小腸屈曲有阻乃痛未便驟認重病凡六腑宜通。通則不痛以更衣丸二錢當通火腑之壅結。一服

王日來便難溺澇。是下焦幽門氣鈍血燥。議東垣通幽意。

鹹菰蓉

兩

細生地

錢二

當歸

半

芎藭仁

錢二

栢子霜

半

牛膝

錢二

張九少腹微脹。小便通利。方安。大便三四日一通。而燥堅殊甚。下焦諸病。須推肝腎。腑絡必究。幽門二腸。閱所服藥。是香砂六君。以治脾。不思腎惡燥。

當歸

茯苓

郁李仁

冬葵子

牛膝

小茴

茯苓

車前

蜜丸

張六脉左弦如刃。六旬又六。真陰衰。五液涸。小溲血水。點滴不爽。少腹右脇聚瘕。此屬癰閉。非若少壯瀉火通利可效。

栝子霜

小茴

鹿角霜

茯苓

當歸

茯苓

氣血結

馬六脉實。病久淤熱在血。胸不爽。小腹墜。能食不渴。二便

濇少。兩進苦辛宣肺。病未能却。此屬血病。用通幽法。

桃仁

紅花

郁李仁

製大黃

歸鬚

小茴

桂枝木

川棟子

薛如

大小便不爽。古人每以通絡。兼入奇經。六旬有年。又

屬久病。進疎氣開膈無效。議兩通下焦氣血方。

川芎

醋炒兩

當歸

醋炒兩

生大黃

兩

肉桂

三錢

川棟子

兩

青皮

一兩

蓬朮

五錢

三稜

五錢

五靈脂

醋炒五錢

炒黑查肉

兩

小枳附

兩

醋炒

右爲末。用青蔥白去根搗爛。畧加清水。淋濾清汁。泛

萬靈書

二四

便閉

五

爲丸每日進食時服三錢用紅棗五枚生艾葉三分煎湯一杯服藥

厥陰

王 遠行勞動肝腎氣之不司約束肛門痛墜若是瘍症

初起必然寒熱排毒藥味苦辛寒燥下焦陰陽再傷二便皆滯此爲癰閉背寒煩渴少腹滿脹議通厥陰

老韭根 穿山甲 兩頭尖 川楝子

歸鬚 小茴 橘紅 乳香

又 驅濁泄肝僅僅泄氣二便仍不得通倣東垣治上善夫瘡閉意 滋腎丸三錢三服

又 氣鬱腸中二便交阻清即腸胃壅熱

川連

黃柏

川楝子

吳萸

黑山梔

青皮

通草五錢海金沙五錢煎湯代水

又苦辛已效。當約其製。

川連

黑山梔

丹皮

川楝子

吳萸

海金沙

飛滑石

按便閉症。當與腸癰淋濁門兼察。其大便不通。有血液枯燥者。則用養血潤燥。若血燥風生。則用辛甘熄風。或鹹苦入陰。故三才五仁通幽虎潛等法。所必用者也。若血液燥則氣亦滯。致氣血結癖。又當於養陰潤燥中。加行氣活血之品。若火腑秘結。宜苦滑重鎔。

者用更衣丸以通之。若老人陽衰風閉，用半硫丸溫潤以通之。腑陽不行，則用玉壺丹。陽空陰凝，清濁混淆痞脹，用來復丹。若鬱熱阻氣，則用苦寒泄熱，辛以開鬱，或用三焦通法。若濕熱傷氣，阻遏經腑，則理肺氣以開降之。此治大便之閉也。小便閉者，若小腸火結，則用導赤。濕壅三焦，則用河間分清。膀胱氣化失司，則用五苓。若濕鬱熱伏，致小腸痺，用小溫中丸清熱燥濕。若腎與膀胱陰分蓄熱致癰，無陰則陽無以化，故用滋腎丸通下焦至陰之熱閉。以上諸法，前人雖皆論及，然經案中逐一分晰發明，不啻如耳提。

面命使人得有所遵循矣。至若膏粱麴蘖釀成濕火。潰筋燦骨。用大苦寒堅陰燥濕。仍用酒醴引導。又厥陰熱閉爲癰。少腹脹滿。用穢濁氣味之品。直泄厥陰之閉。此皆發前人未發之秘。學者尤當究心焉。大凡小便閉而大便通調者。或係膀胱熱結。或水源不清。濕症居多。若大便閉而小便通調者。或二腸氣滯。或津液不流。燥症居多。若二便俱閉。當先通大便。小溲自利。此其大畧也。至若胃腑邪熱化燥便堅。太陽熱邪傳入膀胱之腑。癰秘又當於仲景傷寒門下法中。承氣五苓等方酌而用之。斯無遺義矣。華岫雲



人便燥結。本有承氣湯更逐。等九下之。餘用猪胆蜜煎潤之。可謂無遺蘊矣。然竟有效有不效者。蓋因燥糞未嘗不至肛門。奈肛門如錢大。燥糞如拳大。縱使竭力努掙。而終不肯出。下既不得出。則上不能食。而告危矣。余友教人。先以胆汁或蜜煎導之。俟糞既至肛門。令病者親手以中指染油。探入肛門內。將燥糞漸漸挖碎而出。中指須要有指甲者爲妙。竟有大便一次。燥糞挖作百餘塊而出者。據云此法輾轉授人。已救四五十人矣。若患此證者。切勿嫌穢而棄之。

# 肺痺

上焦氣  
分癰熱  
肺不開

某 肺氣痺阻。面浮胸痞。寒熱。葦莖湯

某 肺痺。臥則喘急。痛映兩脇。舌色白。一便少。葦莖湯

曹 二清邪在上。必用輕清氣藥。如苦寒治中。下上結更閉。

兜鈴 牛蒡子 桔梗 生甘草

杏仁 射干 麻黃

某 經熱津消。欬痰痺痛。

桂枝 桑枝 木防己 生石膏

杏仁 苡仁 花粉

又渴飲甚。大便不爽。餘熱壅於氣分。

紫苑

通草

石膏

花粉

木防已

薏仁

杏仁

陸 偏冷偏熱。肺氣不和。則上焦不肅。用微苦辛以宣通。

薄荷梗

桑葉

象貝

杏仁

沙參

黑山梔

某

女

溫邪形寒。腕痺。肺氣不通。治以苦辛。

杏仁

瓜蒌皮

鬱金

山梔

蘇梗

香豉

曹氏

肺痺。右肢麻。脇痛。咳逆喘急。不得卧。二便不利。腕中

路服得之憂愁思慮所以肺臟受病宜開手太陰爲治

紫苑

瓜蒌皮

杏仁

山梔

鬱金汁

枳殼汁

某二

溫邪鬱肺氣痺咳嗽寒熱頭痛開上焦爲主

活水蘆根

兩

大杏仁

錢三

連翹

錢半

通草

錢半

桑皮

錢一

桔梗

錢一

某十

腕中稍爽痰粘氣逆腹膨開肺理氣爲主

枇杷葉

厚朴

杏仁

滑石

茯苓皮

通草

白薏仁

苡仁

王

脈搏勁舌乾赤暖氣不展狀如呃忒緣頻吐胃傷諸

經之氣上逆填胸聚腕出入幾逆周行脉痺肌肉着席而痛轉加平昔辛香燥藥不受先議治肺經以肺主一身之氣化耳

枇杷葉汁 杏仁 共煎湯冲桔梗枳實汁

某 天氣下降則清明地氣上升則晦塞上焦不行下脫不通周身氣機皆阻肺藥頗投謂肺主一身之氣化也氣舒則開胃進食不必見病治病印定眼目

枇杷葉 杏仁 紫苑 薏仁

桔梗 通草

朱 風溫不解邪結在肺鼻發乾焦喘急腹滿聲不出

此屬上痺急病之險篤者。急急開其閉塞。

葶藶大聚合葦葦湯

又風溫喘急。是肺痺險症。未及周歲。臟腑柔嫩。故溫邪內陷易結。前用葦葦湯。兩通太陰。氣血頗驗。仍以輕藥入肺。晝夜豎抱。勿令橫卧爲要。用瀉白散法。

桑白皮

地骨皮

苡仁

冬瓜仁

蘆根汁

竹瀝

某風溫化熱上鬱。肺氣咽喉阻塞。胸膈不通。致伸吟呼。吸不爽。上下交阻。逆而爲厥。乃閉塞之症。病在上焦。幼科消食發散苦降。但表裏之治。吐氣仍遲。久延慢驚。莫

可救療

蘆根

桑葉

滑石

梨皮

苡仁

通草

濕熱傷肺

李

肺象空懸。氣空聲音不出。舌乃心苗。熱灼則舌本不

展。以唇口肺微之病。乃辛熱酒毒之痺。主以輕揚爲治。乃無質之病。

羚羊角

連翹心

竹葉心

野赤豆皮

川貝母

金銀花

又暮服威靈丸二錢

經勞氣

唐

脉小瀉。失血嘔逆之後。腕中痞悶。納穀腹脹。小便短

赤。大便七八日不通。此怒勞致氣分逆亂。從肺痺主治。

鮮枇杷葉 土瓜蔓皮 黑梔皮 鬱金

杏仁 杜蘇子 紫降香 鈎藤

又 更衣丸

肺爲呼吸之橐籥。位居最高。受臟腑上朝之清氣。稟清肅之體性。主乎降。又爲嬌臟。不耐邪侵。凡六淫之氣。一有所著。卽能致病。其性惡寒惡熱。惡燥惡濕。最畏火風。邪著則失其清肅降令。遂痺塞不通。爽矣。今先生立法。因於風者。則用薄荷桑葉牛蒡之屬。兼寒則用麻黃杏仁之類。若溫熱之邪。壅遏而痺者。則有羚羊射干。連翹山梔。兜鈴竹葉沙參。象貝。因濕則用



通草滑石。桑皮杏仁。威喜丸。因燥則梨皮蘆根。枇杷  
葉紫苑。開氣則薑皮香豉。蘇子桔梗薤仁。其葶藶湯。  
葶藶大棗湯。一切藥品。總皆主乎輕浮。不用重濁氣  
味。是所謂微辛以開之。微苦以降之。適有合乎輕清  
嬌臟之治也。肺主百脉。爲病最多。就其配合之臟腑  
而言。肺與大腸爲表裏。又與膀胱通氣化。故二便之  
通閉。肺實有關係焉。其他如肺痿肺癰哮喘咳嗽失  
音。各自分門。茲不重贅。華岫雲

# 胸痺

胸厥清  
要不可

浦

中陽困頓。濁陰凝滯。胃痛徹背。午後爲甚。卽不嗜飲食。亦是陽傷。溫通陽氣。在所必施。

薤白 三錢

半夏 三錢

茯苓 五錢

乾姜 一錢

桂枝 五分

華

六

因勞。胸痺。陽傷。清氣不運。仲景每以辛滑微通其陽。

薤白

瓜蒌皮

茯苓

桂枝

生姜

王

胃前附骨板痛。甚至呼吸不通。必搥背稍緩。病來迅

速。莫曉其因。議從仲景胸痺症。乃清陽失展。主以辛滑

薤白

川桂枝尖

半夏

生姜

加白酒一杯同煎

謝 衝氣至腕則痛。散漫高突。氣聚如癢。由于過勞傷陽。

薤白

桂枝

茯苓

甘草

臨服冲入白酒一小杯

某五脉弦。胸脘痺痛欲嘔。便結。此清陽失曠。氣機不降。久延怕成噎格。

薤白

三錢

杏仁

三錢

半夏

三錢

姜汁

七分

厚朴

一錢

枳實

五分

徐六

胸痺因怒而致痰氣凝結。

土瓜萆

半夏

薤白

桂枝

茯苓

生姜

王<sup>五</sup>氣逆自左升。胸脘阻痺。僅飲米湯。形質不得下咽。此屬胸痺。宗仲景法。瓜蒌薤白湯。

又脉沉如伏。痞脹格拒。在脘膈上部。病人逆氣壅。自左覺熱。凡木鬱達之火。鬱發之患。在上宜吐之。

巴豆霜

一分

川貝母

三分

桔梗

二分

爲細末服吐

後服凉水卽止之

某<sup>二</sup>肺衛窒痺。胸膈痺痛。咳哈痰粘。苦辛開鬱爲主。當戒腥膻。

瓜蒌皮

炒桃仁

冬瓜子

苦桔梗

紫苑

川貝母

華陽氣微弱胸痺 苓桂朮甘湯

某十二脉弦色鮮明吞酸胸痺大便不寒此痰飲凝滯清陽失曠氣機不利法當溫通陽氣爲主

薤白

杏仁

茯苓

半夏

厚朴

姜汁

某三氣阻胸痛

鮮枇杷葉

半夏

杏仁

桔梗

橘紅

姜汁

某脉沉短氣珍甚嘔吐飲食便溏瀉乃寒濕鬱痺胸痺

肥甘

如悶無非清陽少旋 小半夏湯加姜汁

王三始於胸痺六七年來發必嘔吐甜水黃濁七八日後漸安自述病發秋月意謂新涼天降鬱折生陽甘味色黃都因中焦脾胃主病倣內經辛以勝甘論

半夏

淡乾姜

杏仁

茯苓

厚朴

草薢

姜汁法丸

血絡痺

某痛久入血絡胸痺引痛

炒桃仁

延胡

川楝子

木防已

川桂枝

青葱管

胸痺與胸痞不同胸痞有暴寒鬱結於胸者有火鬱

於中者有寒熱互鬱者有氣實填胸而痞者有氣衰  
而成虛痞者亦有肺胃津液枯結因燥而痞者亦有  
上焦濕濁瀰漫而痞者若夫胸痺則但因胸中陽虛  
不運久而成痺內經未曾詳言惟金匱立方俱用辛  
滑溫通所云寸口脈沉而遲陽微陰弦是知但有寒  
症而無熱症矣先生宗之加減而治亦惟流連上焦  
清陽爲主莫與胸痞結胸噎膈痰食等症混治斯得  
之矣

華玉堂

寒

# 哮

王 受寒哮喘。痰阻氣不能着枕。

川桂枝

一錢

茯苓

三錢

淡乾姜

一錢

五味

一錢

同

杏仁

半錢

炙草

四分

白芍

一錢

製麻黃

五分

卜九哮喘。當暴涼而發。診脈左大右平。此新邪引動宿邪。

議遂伏邪飲氣。小青龍法。

徐一宿哮廿年。沉痾之病。無奏效之藥。起病由於驚憂受

寒。大凡憂必傷肺。寒入背俞。內合肺系。宿邪阻氣阻痰。

病發喘不得卧。譬之宵小潛伏里閭。若不行動犯竊難



以強執雖治當於病發投以搜逐而病去必當養正今  
中年諒無大害精神日衰病加劇矣腎氣去桂膝  
病發時葶藶大棗湯或皂莢丸

陳四哮喘不卧失血後胸中畧爽葶藶湯加葶藶大棗  
某三十哮喘久咳

桂枝木 杏仁 橘紅 厚朴

炒半夏 炒白芥子

哮喘痰喘頻發 真武丸

朱一宿哮喘遇勞發小青龍去麻辛加糖炒石膏

鄒七宿哮喘病久則氣泄汗出脾胃陽微痰飲留着有食

入泛嘔之狀。夏三月熱傷正氣。宜常進四君子湯。以益氣。不必攻逐痰飲。

人參

茯苓

白朮

炙草

哮喘與喘。微有不同。其症之輕重緩急。亦微各有異。蓋哮喘症多有兼喘。而喘有不兼哮者。要知喘症之因。若由外邪壅遏而致者。邪散則喘亦止。後不復發。此喘症之實者也。若因根本有虧。腎虛氣逆。濁陰上衝而喘者。此不過一二日之間。勢必危篤。用藥亦難奏功。此喘症之屬虛者也。若夫哮喘。亦由初感外邪。失於表散。邪伏於裏。留於肺俞。故頻發頻止。淹纏歲月。更

有痰哮喘。喘。喘。喘。過食生冷。及幼穉。天哮諸症。案雖未備。閱先生之治法。大概以溫通肺臟。下攝腎真爲主。久發中虛。又必補益中氣。其辛散苦寒。豁痰破氣之劑。在所不用。此可謂治病必求其本者矣。此症若得明理鍼灸之醫。按穴灸治。尤易除根。噫。然則難遇其人耳。華玉堂

# 喘

肺得水  
氣不降

伊

先寒後熱。不饑不食。遍浮腫喘。喘不能仰。仰臥不安。古人以先喘後脹治肺。先脹後喘治脾。今由氣分膈。鬱以致水道阻塞。大便溏泄。仍不與利。其肺氣不降。二腸交阻。水穀蒸腐之濕。橫趨脈絡。腫由漸加。豈亂醫可效。粗述大畧。與高明論證。

肺位最高。主氣。爲手太陰臟。其臟體惡寒惡熱。宜辛則通。微苦則降。若藥氣味重濁。直入中下。非宣肺方法矣。故手經與足經大異。當世不分手足經混治者。

特表及之。

麻黃

苡仁

茯苓

杏仁

甘草

某氣逆咳喘喘促。小青龍去桂枝芍草加杏仁人參。  
某氣逆咳喘喘急。

淡乾姜

人參

半夏

五味

茯苓

細辛

單 瘡毒內攻。所進水穀不化。蒸變濕邪。漬於經隧之間。  
不能由腸而下。膀胱不利。濁上壅遏。肺氣不降。喘滿不  
堪着枕。三焦閉塞。漸不可治。議川巾滿分消之法。必得  
小便通利。可以援救。

肝升飲  
和上逆

葶藶

苦杏仁

桑皮

厚朴

豬苓

通草

大腹皮

茯苓皮

澤瀉

汪

脉弦堅。動怒氣衝。喘急不得卧息。此肝升太過。肺降

失職。兩足逆冷。入暮爲劇。議用仲景越婢法。

又

按之左脇。衝氣便喘。背上一線寒冷。直貫兩足。明是

肝逆挾支飲所致。議用金匱旋覆花湯法。

旋覆花

青葱管

新絳

炒半夏

中氣虛

姜

勞煩哮喘。是爲氣虛。蓋肺主氣。爲出氣之臟。氣出太

過。但泄不收。則散越多。喘是喘症之屬虛。故益肺氣藥

皆甘。補土母以生子。若上氣散越已久耳目諸數之阻

胃虛

皆清陽不司轉旋之機。不必縷治。人參建中湯去姜

沈二晨起未食。喘急多痰。此竟夜不食。胃中虛弱。陰氣交

升。中無彈壓。下焦陰傷。已延及胃。難以驟期霍然。

黃精

三角胡麻 炙草 茯苓

腎陽虛  
渴飲上  
逆

吳 渴飲自夜上。下填塞。故陽不旋降。衝逆不得安卧。用

仲景真武法

人參 淡熟附子 生淡乾姜 茯苓塊

豬苓 澤瀉

腎氣不  
納

徐四色痿蹠。踈陽虛體質。平昔喜進膏粱。上焦易壅。中宮

少運。厚味凝聚。蒸痰。相年咳嗽。但內傷失和。薄味自可。

清肅。醫用皂莢搜攢。肺傷氣泄。噴涕不已。而沉錮膠濁。仍處胸背募俞之間。玉屏風散之固衛。六君子湯之健脾理痰。多是守劑。不令宣通。獨小青龍湯。徹飲以就太陽。初服喘緩。得宣通之意。夫太陽但開。所欠通補陽明一段工夫。不得其闔。暫開復痺矣。且喘病之因。在肺爲實。在腎爲虛。此病細診色脈。是上實下虛。以致耳聾鳴响。治下之法。壯水源以熄內風爲主。而胸次清陽少旋濁痰阻氣妨食。於卧時繼以清肅上中二焦小劑守常調理百日圖功。至於接應世務。自宜節省。勿在藥理中也。



熟地

砂仁製

萸肉

龜甲心

阿膠

牛膝

茯苓

遠志

五味

磁石

秋石

蜜丸早服

卧時另服威喜丸竹瀝姜汁泛丸

張三幼年哮喘已愈。上年夏令勞倦內傷致病。誤認外感。亂治。其氣泄越。哮喘音啞。勞倦不復。遂致損怯。夫外感之喘治肺。內傷之喘治腎。以腎主納氣耳。

加減八味丸每服二錢五分鹽湯下 六服

胡六脉沉。短氣以息。身動即喘。此下元已虛。腎氣不爲收攝。痰飲隨地氣而升。有年陡然中厥最慮。

熟地

淡附子

茯苓

車前

遠志

補骨脂

吳氣不歸元。喘急跗腫冷汗。足寒面赤。中焦痞結。先驚  
通陽。

熟附子

茯苓

生薑汁

生白芍

王<sup>十</sup>九陰虛喘。噎用鎮攝固納。

熟地

萸肉

阿膠

淡菜膠

山藥

茯神

湖蓮

芡實

翁<sup>四</sup>二脉細尺垂。形瘦食少。身動卽氣促喘急。大凡出氣不  
爽而喘爲肺病。客感居多。今動則陽化。由乎<sup>三</sup>陰弱失納。  
乃吸氣入而爲喘。腎病何辭。治法惟以收攝固真。上病

當實下焦。宗腎氣方法意

熟地

萸肉

五味

補骨脂

胡桃肉

牛膝

茯苓

山藥

車前子

蜜丸

沈

二陰虛陽升。氣不攝納爲喘。

熟地

萸肉

五味

海參膠

淡菜膠

茯神

山藥

芡實

湖蓮肉

紫胡桃

楊

六老年久嗽。身動卽喘。晨起喉舌乾燥。夜則溲溺如淋。

此腎液已枯。氣散失納。非病也。衰也。故治喘鮮效。便難

乾涸。宗腎惡燥。以辛潤之。

熟地

杞子

牛膝

巴戟肉

紫衣胡桃 青鹽

補骨脂

陳氏咳喘則暴身熱汗出乃陰陽樞紐不固惟有收攝固元一法

人參

炙草

五味

紫衣胡桃

熟地

萸肉炭

茯神

炒山藥

又攝固頗應

人參

附子

五味

炙黃芪

白朮

某瘡瘍疥疾致氣喘咳出血痰固是肺蘊熱氣今飲食二便如常行動喘急與前喘更有分別緣高年下虛腎少攝納元游不固氣逆上泛是腫脹之萌宜未雨綢繆

六味丸加牛膝車前胡桃

孫望八大年。因冬溫內侵。遂致痰嗽。暮甚。診脈大而動搏。察色形枯汗泄。吸音頗促。似屬痰阻。此乃元海根微。不司藏納。神衰嚙語。陽從汗出。最有昏脫之變。古人老年痰嗽喘症。都從脾腎主治。今溫和擾攘。上中二焦留熱。雖無溫之理。然攤固下真。以治根本。所謂陽根於陰。豈可不爲講究。

熟地炭

胡桃肉

牛膝炭

車前子

雲茯苓

青鉛

某熱熾在心。上下不接。冲逆陡發。遍身麻木。喘促昏冒。

腎真不固肝風妄動久病湯藥無功。誓以玉真丸主之。  
喘症之因。在肺爲實。在腎爲虛。先生揭此二語爲提  
綱。其分別有四。大凡實之寒者。必挾凝痰宿飲。上干  
阻氣。如小青龍。桂枝加朴杏之屬也。實而熱者。不外乎蘊  
伏之邪。蒸痰化火。有麻杏甘膏。千金葶藶之治也。虛  
者。有精傷氣脫之分。填精以濃厚之劑。必兼鎮攝腎  
氣。加沉香。都氣入青鉛。從陰從陽之異也。氣脫則根  
浮。吸傷元海。危下可立而待。思草木之無情。剛柔所  
難濟。則又有人參河車五味石英之屬。急續元真。挽  
回頃刻補天之治。古所未及。更有中氣虛餒土不生

金。則用人參建中。案集三十法。凡十九。其層次輕重  
之間。絲絲入籠。學者宜深玩而得焉。邵新甫

# 呃

肺氣鬱  
痺

某面冷頻呃。總在咽中不爽。此屬肺氣膈鬱。當開上焦之痺。蓋心胸背部須藉在上清陽舒展。乃能曠達耳。

枇杷葉

炒川貝

鬱金

射干

陰上逆

王。肺微弱。臣亮。蘇陽呃逆。服瘕自利。先曾寒熱下利。加

以勞煩傷陽。高年豈宜反覆。乃欲脫之象。三焦俱有見症。議從中治。

人參

附子

丁香皮

柿蒂



茯苓

生薑

陳食傷脾胃復病嘔吐發呃下利。診兩脉微濇。是陽氣欲盡。渴陰衝逆。閱方雖有姜附之理。陽反雜入芪歸。呆鈍牽制。後方代赭重墜。又混表藥。總屬不解。今事危至急。舍理陽驅陰。無別法。

人參

茯苓

丁香

柿蒂

炮附子

乾姜

吳萸

某脉歇止。汗出呃逆。大便秘。此勞倦積傷。胃中虛冷。陰濁上干。

人參

茯苓

生薑

乾姜  
炒川椒

炒烏梅肉 釘頭代赭石

黃 豚小舌白。氣逆呃忒。畏寒微戰。胃陽虛。肝木上犯。議  
用鎮肝安胃理陽。

人參

代赭石

丁香皮

茯苓

炒半夏

淡乾姜

又 舌白胎厚。胃陽未醒。厥逆濁陰上干爲呃。仍用通法。

人參

淡附子

丁香皮

淡乾姜

茯苓

又 照方加姜汁柿蒂

又 人參

炒川椒

附子

茯苓

淡乾姜

炒粳米

呃逆一症。古無是名。其在內經本謂之噦。因其呃呃連聲。故今人以呃逆名之。觀內經治噦之法。以草刺鼻。嚏。嚏而已。無息而疾迎引之立已。大驚之亦可已。然歷考呃逆之症。其因不一。有胃中虛冷。陰凝陽滯。而爲呃者。當用仲景橘皮湯。生姜半夏湯。有胃虛虛陽上逆。病深聲噦者。宜用仲景橘皮竹茹湯。有中焦脾胃虛寒。氣逆爲呃者。宜理中湯。加丁香。或溫胃飲。加丁香。有下焦虛寒。陽氣竭而爲呃者。正以元陽無力。易爲抑遏。不能暢達而然。宜用景岳歸氣飲。或理陰煎。加丁香。有食滯而呃者。宜加減二陳。加山楂。烏

藥之屬。或大和中飲加乾薑木香。凡此諸法。不過畧述其端。其中有宜有不宜。各宜隨症施治。不可以此爲不易之法。故先生謂肺氣鬱痺。及陽虛濁陰上逆。亦能爲呃。每以開上焦之痺。及理陽寧陰。從中調治爲法。可謂補前人之不逮。丹溪謂呃逆屬于肝腎之陰虛者。其氣必從臍下直衝上出于口。斷續作聲。必由相火炎上。挾其衝氣。乃能逆上爲呃。用大補陰丸峻補真陰。承制相火。東垣嘗謂陰火上衝而吸氣不得入胃。脉反逆。陰中伏陽卽爲呃。用滋腎丸以瀉陰中伏熱。二法均爲至當。審證參用。高明裁酌可也。

臨證指南醫案

卷四

時乘

# 疸

穀疸

沈九能食煩倦手足汗出目微黃常鼻衄夫熱則消穀水穀留濕濕甚生熱精微不主四布故作煩倦久則瘀黃穀疸當與猪肚丸蒼朮換白朮重用苦參

張三述初病似瘧乃夏暑先伏秋涼繼受因不慎食物胃脘氣滯生熱內蒸變現黃疸乃五疸中之穀疸也濕黃便秘當宣腑濕熱但不宜下恐犯太陰變脹

綿茵陳

茯苓皮

白蔻仁

枳實皮

杏仁

桔梗

花粉

酒疸

濕熱  
蒸

汪三飲酒發黃。自屬濕熱。脉虛。臍腹鳴不和。病後形體瘦減。起居行動皆不久耐。全。是陽氣漸薄。兼之思慮勞煩。致損。議兩和脾胃之方。戊己加當歸。柴胡。煨薑。南棗。王。右脇高突刺痛。身面發黃。不食不便。瘀熱久聚。恐結癰瘍。

大豆黃卷

木防已

金銀花

生牡蠣

飛滑石

苡仁

張脉沉。濕熱在裏。鬱蒸發黃。中痞惡心。便結溺赤。三焦病也。苦辛寒主之。

杏仁

石膏

半夏

薑汁

山梔

黃柏

枳實汁

黃 一身面目發黃。不飢溺赤。積素勞倦。再感溫濕之氣。悞以風寒發散消導。濕甚生熱。所以致黃。

連翹

山梔

通草

赤小豆

花粉

香豉

煎送保和丸三錢

蘇絡瘀

劉三 九 心下痛年餘屢發。痛緩能食。漸漸目黃。溺赤。此絡脉

中凝瘀蘊熱。與水穀之氣交蒸所致。若攻之過急。必變  
脹滿。此溫燥須忌。議用河間金鈴子散。合無擇穀芽枳  
實小柴胡湯法。

金鈴子

延胡

枳實

柴胡



疳變腫

半夏

黃芩

黑山梔

穀芽

蔣

由黃疸變爲腫脹。濕熱何疑。法亦不爲謬。據述些少

小丸。諒非河間子和方法。溫下僅攻冷積。不能驅除濕熱。仍讓苦辛滲利。每三日兼進瀘川丸六七十粒。

雞肫皮

海金沙

厚朴

大腹皮

豬苓

通草

疳變腫

張三

夏秋疸病。濕熱氣蒸而成。治法必用氣分宣通自效。

蓋濕中生熱。外干時令。內蘊水穀不化。黃乃脾胃之色。失治。則爲腫脹。今謂治日減。便通利。主腑已通。薄味自可全功。平昔攻苦。思必傷心。鬱必傷脾。久坐必升太過。

降不及不與疸症同例。歸脾丸

脾外越

楊七

十夏熱泄氣脾液外越爲黃。非濕熱之疸。繼而不欲食。便澹。用大牛夏湯通胃開飲。已得寢食。露降痰血。乃氣洩不收。肅令淺。不必以少壯熱症治。順天之氣。是老年調理法。

人參

炙草

生扁豆

山藥

茯神

苡仁

黃疸身黃曰黃。溺黃之謂也。病以濕得之。有陰有陽。在腑在臟。陽黃之作。濕從火化。瘀熱在裏。膽熱液泄。與胃之濁氣共併。上不得越。下不得泄。薰蒸遏鬱。侵

於肺則身目俱黃。熱流膀胱。溺色爲之變赤。黃如橘  
子色。陽主明。治在胃。陰黃之作。濕從寒水。脾陽不能  
化熱。膽液爲濕所阻。漬於脾。浸淫肌肉。溢於皮膚。色  
如薰黃。陰主晦。治在脾。傷寒發黃。金匱黃疸。立名雖  
異。治法多同。有辨證三十五條。出治一十二方。先審  
黃之必發不發。在於小便之利與不利。疸之易治難  
治。在於口之渴與不渴。再察瘀熱入胃之因。或因外  
併。或因內發。或因食穀。或因酗酒。或因勞色。有隨經  
蓄血。入水黃汗。上盛者。一身盡熱。下鬱者。小便爲難。  
又有表虛裏虛。熱除作噦。火劫致黃。知病有不一之

因故治有不齊之法。於是脉弦脇痛。少陽未能仍主。以和。渴飲水漿。陽明化燥。急當瀉熱。濕在上。以辛散。以風勝。濕在下。以苦泄。以淡滲。如狂蓄血。勢所必攻。汗後弱白。自宜投補。酒客多蘊熱。先用清中。加之分利。後必顧其脾。陽女勞有穢濁。始以解毒。繼之消穀。終當峻補腎陰。表虛者實衛。裏虛者建中。入水火劫。以及治逆變證。各立方論。以爲後學津梁。若云寒濕在裏之治。陽明篇中惟見一則。不出方論。指人以寒濕中求。蓋脾本畏木。而喜風燥。制水而惡寒。濕今陰黃一證外。不因於六淫。內不傷於嗜慾。惟寒。惟濕。管

以卑監之土。須暴風日之陽。純陰之病。療以辛熱。無疑矣。方雖不出法。已顯然。故不用多岐。恐滋人惑耳。今考諸家之說。丹溪云。不必分五疸。總是如食醬相似。以爲得治黃之扼要。殊不知是言也。以之混治陽黃。雖不中窾。不致增劇。以之治陰黃。下咽則斃。何異操刃。一言之易。遺誤後人。惟謙甫羅氏。具有卓識。力辨陰陽。遵傷寒。寒濕之指出。茵陳四逆湯之治。繼往開來。活人有術。醫雖小道。功亦茂焉。喻嘉言陰黃一證。竟謂仲景方論亡失。恍若無所循從。不意其註傷寒。註金匱。辨論數千言。而獨於關鍵處。明文反爲之。

蒙昧雖云智者一失亦未免會心之不遠也。總之羅氏可稱勤求古訓。朱氏失於小成自拙。嘉言喻氏病在好發議論而已。今觀葉氏黃疸之案。寥寥數則。而於案中所云。夏秋疸病。濕熱氣蒸而成。其陽黃之治。了然於胸中。案中又有治黃也。而有非黃之論。揣其是病必求虛實。於是知其是病必辨陰陽。如遇陰黃求治於先生者。決不以治陽之法治陰。而欲人長命也。苟非師仲景而藐丹溪。博覽羣賢之論。而不陷於一偏之說者。烏能及此。名不浮於實。道之得以久行也。固宜。蔣式玉。